


# MAHEBERU, KAUHANYO YABUNE

 . . .ki kuziba hahulu ka Mulena luna ya fuyozwi. Mi wani kona—kona mulelo wa luna wa kukopana mo, ki ona mulelo ona woo, mi, cwale, ni ku lapelela bana ba Mulimu ba bakula. Mi kakusasana wo ne lubile ni—ni mbuyoti yende kuzwelela mwa Mañolo.

<sup>2</sup> Lu lika kunga, nako ifi ni ifi ya sebelezo, siemba sa . . . Ni sweli kuluta mwa Buka ya Maheberu, nibile ni luta, seli lisunda zepeli zefitile cwale. Mi cwale, haiba Mulena alata, luka zwelapili la Bulalu busihu, mi ni la Sunda kakusasana ni la Sunda busihu, cwalo, haibile fela Ni kaba kwanu mwa nako ye. Haki ancafazo, kono ki ancafazo, mukopano wa masihu aluna a kamita. Mi kacwalo luli lu tabile hahulu, hulu fa kuba ni nako ye ya kukopana ni balikani baluna babande babazwile mwahala mileneñi, hamoho cwalo ni mwa litolopo zelu potolohile za Falls Cities kwanu. Mi haiba—haiba lu kaba ni ku kansula kamba nto yeñwi, ikona kuba kuli Mulena uka lu zamaisa, cwanoñu fa, kwa . . .mwendi lukaba ni masihu alikani, mwendi, mwa sibaka sa lipapali ze tiisa mibili kamba nto yeñwi, kasamulaho nyana, haiba Mulena u bonahala ku lu etelela ka nzila yeo, kwa sibaka ko lukona kunga sicaba sa luna hamoho.

Mi luboni batu ha ne lusweli kutaha cwalo, hane lu kuta, inge bali, “Nekusina sibaka sa kutaha mwa—mwa teni.” Kakuli, tabernakele ki yenyinyani luli. I kwana fela batu babanyinyani, nyinyani luli, mi luitumezi hahulu kuli mwa itakaleza kutaha ni kutoina mwa kucisa cwana, ku to utwa Linzwi la Mulena. Mi lu lapela kuli Mulimu uka mi fuyola kufitisisa, hahulu hulu ni ku mi tusa.

<sup>3</sup> Mi cwale, busihu boo, lu bata, lu kalela fa timana ya 4 kauha- . . .Ki ba bakai bene bali teni kakusasana cwana? Halu boneni mazoho a mina. Oh, zeo ki zende, ni sepa ki mina kaufela. Mi luinzi ka, kukalela mwa, kauhanyo ya 4 ya Buka ya Maheberu. Oh, ha ki Buka kwa kutabisa! Kana mwa musweli mwaikola Yona nji? [Kopano ili, “Amen.”—Mu.] Mi ki kubapisa Mañolo ka Mañolo.

<sup>4</sup> Mi Paulusi, a si ka ba kale paki ya kutwisiso ye, nana ni kuya pili kwani kwa Arabia ku yo batisisa, ka Linzwi haiba neli za Niti. Na lata cwalo. Mi tuto ya kakusasana kacenu, lu fumani kuli, mwa tuto ya kakusasana cwana, kuli Kreste neli ya swana maabani, kcenu, ni kuyakuile. Mi Paulusi afumana kuli ona Siita sa Mulilo se si swana sene si zamaisize bana ba Isilaele, ne si mu katani mwa musipili wa kuya kwa Damaseka. Ne lu fumani kuli Siita sa Mulilo, sene si zamaisize bana ba Isilaele kuzwa

mwa lihalaupa, kuya kwa naha ya sepiso, sa katana Paulusi mwa mukwakwa oliba Damaseka, mi a Ipiza kuli, “Jesu.”

<sup>5</sup> Mi lu fumana butuna bwa Bumulimu bwa Jesu Krete. Buka mutumbi kaufela ki sinulo fela ya Jesu Krete. Mi A taha, lu fumana kuli, “Mwa linako za ikale ni ka mikwa yemiñata, Mulimu na bulela kwa bashemi ka bapolofita; mwa mazazi a maungulo aa ki ka Mwana Hae, Krete Jesu, U I patuluzi iliyena.” Mi Buka kuzwa kwa Genese kuisa Sinulo haki nto isili kono swalisano iliñwi, ka tundamo, inze ili sinulo ya Mulena Jesu.

<sup>6</sup> Mi lu fumana kuli Nali Yena yanali mwa sicacano se si tuka mulilo. Lu fumana kuli Nali Yena yanali ni Mulimu kusikaba kale mutomo wa lifasi. Mi lu fumana cwana kuli, mwa Testamente ye Nca, Nali yena Mulimu ni Mutu, hamoho. Mi cwale ha Na siile Testamente ye Nca, ku ya kwa Lihalimu, A bulela kuli, “Ni zwile ku Mulimu, mi Ni kutela ku Mulimu.”

<sup>7</sup> Mi cwale Paulusi ha Mu katana, Nali mwa mufuta o swana wa Nali ku ona nako Ya zamaisa Isilaele, ali Siita sa Mulilo. Mi Paulusi a Mu talimela mwa pata, a si ka fetulwa kale, mi sa mu tiseza kuba ni butata bwa meeto mazazi a bupilo bwa hae kaufela. Aina ali sibofu, mi ka mazazi nyana apalelwa kubona nihaiba hanyinyani. Na isizwe mwa nzila ye bizwa Kuluka.

<sup>8</sup> Mi Mulimu nana ni mupolofita teñi kwani ya Na bulezi kuyena, wa libizo la Ananiasi, yana tile, ka pono, mi a beya mazoho a hae ku Paulusi, mi ali, “Muzwale Saule, amuhela kubona kwa hao.”

<sup>9</sup> Mi lu fumana, cwale, kuli ona Moya o Kenile o swana wani, yena Mulena Jesu ya swana yani, ataha ku Pitrosi mwa mufuta wa Liseli ni ku mu lamulela kuzwa mwa tolongo.

<sup>10</sup> Mi lu fumana kuli yena Mulena Jesu yani, mwa mazazi aa, usali mwahala Siita sa Mulilo sani (Liseli) se si sweli ku zamaisa sicaba sa Hae (Keleke ya Hae), inza eza lika ze swana, usweli kufa lipono; utaha ku to beya mazoho fa sicaba, ka pono. Yena Mulena Jesu, Yana katani kakusasana Sunda yefelile kwa ndu, ni kubulela kuli, “Nekuna ni muuna yana taha, wa milili yeminsu, yana ba ni ya limbi. Nali Mugerike. Musala hae neli wa myaha ya mwa bunca, mi nasweli kulila kwa katala.”

<sup>11</sup> Babañwi ba bona ne ba bulezi ka zona, mi ba ziba kuli ne li sweli kuezahala. Nali sihole hamoho, ni—ni musinga otusa mutu kuyema wa mwa toho no sinyehile. Mane na sa koni kuzamaisa hande mahutu ni mazoho a hae. Mi nali sibofu. Mi ka ku lieza kuba bupaki hahulu: Ne nina ni kalibe yomunyinyani yana lukela kulapelelwa kwa bakuli, pili, mi ki ha kuta kuli Muzwale Thom ato lapela. Mi luna, inge luinzi fa, lwa li bona ha li ezahala. Mi cwale se Ni ya ku yo lapelela bakuli, ni kukuta. Mi ki ha taha, ona cwalo fela kuzamaelela ni pono, ni ku ni swala kwa lizoho ni kukala kulila, mi ali Dr. Ackerman mi aba inisa fa. Dr.

Ackerman ki mulikana ka ya latwa, wa Katolika. Mwana hae wa mushimani ki muprisita kwa sibaka ko kupila sikwata sa bulapeli kwa—kwa Saint Meinrad, ni mwa Indiana. Mi muuna yo na zwa kwa Jasper. Mi Mulena a mu folisa, kuzwa mwa sipula sani. A nanuha ni ku zamaya. Na kona kubona hande sina yomuñwi kaufela. Mi aya inge azwa ya muyaho, ya iketile mi ya folile. Zeo kaufela ki ka pono!

<sup>12</sup> “Muzwale Saule, Mulena Jesu yana bonahalile ku wena mwa nzila, u ni lumile kuli ni ku beye mazoho, kuli u kone ku amuhela mi utale fela Moya o Kenile.” Kihande.

<sup>13</sup> “Cwale lu fumana kuli, ka kubona kuli luna ni kupiliswa ko kutuna kwa, ha lu lukeli. . . Halukoni ku banduka koto ni buhali bwa Mulimu, haiba lu keshebisa kupiliswa ko kutuna cwana.”

<sup>14</sup> Cwale lu ka kalisa kubala, busihu bo, hande, ni kukalisa mwa kauhanyo ya 4 mwa Buka ya Maheberu. Haiba kuna ni ya bata ku latelele halunze lubale, luna ni Libibele zeñwi fa. Haiba ba bata iliñwi, kupalañi, alimuñwi wa balibeleli ba fa munyako uka mi tiseza yona, haiba muka nanula lizoho la hao, li—li Libibele. Haiba alimuñwi wa mizwale mo uka nga yeñwi. . . Kuna ni Libibele zepeli zeliteni foo, Na lumela.

<sup>15</sup> Mi cwale lu ka akufa, kakuli luna ni mulalelo kasamulaho nyana fa. Mi ni ko lu ka fita busihu boo, la Bulalu busihu lu ka kalisa hape. Cwale, Na lumela, kakusasana wo mwa palo ya luna, ne lu kalezi ka timana ya 15.

<sup>16</sup> Yomuñwi, mwendi ha mu ni zibeli kutina magilasi, a kubalisa. Ni ya ni supala. Mi Ni sa kona kubala, kono Hani koni ku akufa kapili, sihulu ha Ni bala hande hande fa, mañolo yemituna hande.

<sup>17</sup> Mi ne Ni iile kwa kutatubisa meeto aka, ku yo bona haiba Ne ni ya ni latehelwa ki kubona kwaka. Meeto aka neli lishumi-lishumi. Na ize, “Kono so fitelezi mashumi amane, mwanaka.” Na ni file sika sa kubala, ali, “Kala kubala se.” Se ni si bala. Mi se Ni ya ni sutelela bukaufi, siba bunyinyani ni bunyinyani. Mi seiba bunyinyani sina *cwana*, Na tuhela. Mi ki ha beya fateni lishumi-lishumi, Ne ni konile kubala nihakuli cwalo. Kono ki hali, “Ki sikamañi seo, ha u fitelela mashumi amane, bikoto bya meeto bya lapalala.”

<sup>18</sup> Cwale, Na kona ku pyata meeto aka ni kubala fela bukaufi ni na *cwalo*, kono muna ni ku pyata meeto. Kacwalo, a ni ezeza fela magilasi. Na kona kubona, kai ni kai, haiba liinzi hahulu bukaufi ni na. Cwale, ha li ba kwahule ni na, hanikoni kubona ni hanyinyani lika zee. Kono Na ipalelanga zona, kubala ku ze ka magilasi.

<sup>19</sup> Cwale, kakusasana cwana, nelubile ni kalulo ya mafelelezo ya kauhanyo ya 3 ya Maheberu. Mi, oh, ha ki lika zefumile ni zeo ze lufumani. Cwale muteeleze. Ni bata kubala hape, kuli lube ni

makalelo atefi cwale. Isiñi kubulela ka zona, kono ki mukwa wa kuya fela fahalimwa zona fa nako nyana.

*Ha ku sa bizwa, Kacenu ha mu... utwa linzwi la hae, musike mwa itatafaza mo ne mu ezelize ha mu ni shemaeta.*

*Kakuli babañwi, bona, babane ba utwile Linzwi, basino utwa Linzwi, ba mu shemaeta: nihakuli cwalo ha ki kaufela baba zwile mwa Egepita ka Mushe.*

<sup>20</sup> Cwale, ku zeo, kakusasana cwana, lu fumana kuli Na bulezi kuli, “Musike mwa itatafaza lipilu cwale, sina mwa mazazi a ku shemaeta ka buhali.” Fani ki ha ne ba shemaetile Mulimu ka buhali, kakuli Na ba file ku Mushe, mupolofita wa Hae, ni sisupo se ne sili ni Mushe. Ki ba bakai, mwahala sitopa busihu boo, baba ziba kuli sisupo sani neli sikamañi? Siita sa Mulilo, Maheberu 13.

<sup>21</sup> Cwale, ha lu zibi kamba kopano neiboni sisupo sani kamba nee. Kono Mushe na Si boni, kakuli Mushe pili ha Mu katani mwa sicacani sa mulilo. Na li Mulilo. Mi bana ba Isilaele neba utwela Mushe, mi ba zwa mwa Egepita. Mi ba si no zwa fela mwa Egepita, Mulimu, ne lu fumani, kuli na ba kenyize mwa katwa. Koo, mpi ya Faro neili mwa mulaho wa bona, Liwate Lelifubelu kwa matuko, mi Mulimu aba beya mwa tatubo; mi ba saba. Mi za halifisa Mulimu. Mi ali, “Kiñi ha u Ni lilela?” Ali, “Bulela fela ni kuya kwapili.” Na lata sani.

<sup>22</sup> Cwale, ne ba sweli ku latelela Mushe, sina Mushe hana sweli kulatelela Siita ni Lilu, mi ba kena mwa musipili wa bona kuliba kwa naha ya sepiso. Siswaniso sesinde sa Keleke, busihu boo, lu mwa musipili wa luna kuliba kwa Naha ya sepiso, lu zamaiswa ka Moya o swana, lisupo zeswana ni ze komokisa sina za na bulezi Mulimu.

<sup>23</sup> Cwale mulemuhe. Mi, ba taha mwa Lihalaupa la Sibi. Ni—ni mezi a “baba,” *Marah*. Ki kabakalañi Mulimu ha na ba zamaisize kutaha mwa mezi a baba? Kubonahala inge kuli Na ka ba isa mwa mezi amande. Kono Na ba isize kwa mezi a baba kuli Akone kubona tumelo ya bona. U tabela kuezanga cwalo. U tabelanga kulumeleza matata kutaha ku mina, ili kubonisa kuli Wa kona ku mi bonisa lilato la Hae ni mata a Hae. Ku konahala cwani kuli sicaba, kacenu, ki mañi ya sa lumeli ku Mulimu ya sebeza limakazo, mi matata ha taha, ba itulela fela ni kuzwelapili? Kono lu lumela kuli “Mulimu wa sebezanga limakazo.” Hakoni... Mulimu una...

<sup>24</sup> Muteezeze ku se. Haiba Mulimu ha ezi likezo ze swana, buino bo buswana ha bu taha, konakuli Mulimu una ni mulatu wa saluluti kwa sicaba sa Hae. Buicemeli bwa Mulimu bu Mu bata kuli abeleke mwa litaba kaufela sina mwa Na ezelize mwa taba ya makalelo, ku si cwalo Na fosize ha Na belekile mwa taba yapili. Haiba Mulimu haezi ka nzila ye swana sina mwa Na

ezelize mwa taba yapili, haiba U ka eza ka kushutana mwa taba ya bubeli, konakuli Na ezize ka mafosisa ha Na ezize kezo yeñwi mwa taba yapili. Haiba Mulimu akile a folisa mwa Testamente ya Kale, Una ni ku li eza mwa Testamente ye Nca ni kacenu, kamba Na fosize ha Na ba folisize kwa mulaho kwani. Una ni kuezwa ka mukwa o swana, ka nako kaufela. Mi Uka ona cwalo, ki fo tumelo yeswana haikopana ni buino bwateni. Mulatu u inzi ku luna, isiñi ku Mulimu. Kakuli lwa Mu bonanga ku babañwi, mi babañata, inge abeleka limakazo zetuna zeipitezi. Lwa ziba cwalo. Muhanyezi hakoni kubulela kuli, “Ha ki cwalo.” Kakuli lwa Li bona ha li iponahaza, mi ki zani fani.

<sup>25</sup> Neba bulelanga kuli, “U ni bonise makazo.” Ha ba sa kona kubulela sani ka nako ye. Sayansi haikoni kubulela cwani ka nako ye. Lwakona ku bonisa patalaza kwa lifasi la sayansi. Mi lifasi la sayansi li pakile kuli Sibupiwa sa moya, mwa mufuta wa Siita sa Mulilo, si inzi ni luna. Ki se siswaniso sa Hae, ona fa, mi sesiñwi si lepelela mwa Washington, DC, busihu boo. Ki yena Krete yaswana.

<sup>26</sup> Kabakaleo, ka nako nyana, mizwale yaka ya baktuzi ne ba ni bulelelanga kuli, “Oh, Muzwale Branham, yo ki diabulosi. Usike wa angabazwa ki zeo.” Ne ni li sabisize.

<sup>27</sup> Mi Ne ni si ka li kutaza kufitela Mulimu ato li patulula, kuli, “Ki yena Jesu yaswana, ki Yena ya swana.” Oh, kipeto ba lika ku li ziswa ku na? Halikoni ku ezahala. Kakuli, ki Mañolo. Ki Linzwi la Mulimu. Ha ki kutwisiso fela ye ceputukile. Ki kutwisiso ye yemelwa ki Linzwi la Mulimu ni sepiyo ya Mulimu ye fuyozwi ya Kuyakuile.

<sup>28</sup> Cwale, lwa lemuha kulo fa, hande, kuli Na bulezi cwalo.

*Kakuli babañwi, ba si no utwa, ba mu shemaeta: . . .*

Kaniti. Ba katala, nako kaufela ha ne ba taha mwa sibaka kone kuna ni kangisano. Konakuli ne ba ka eza sikamañi? Ne ba ka fufa kutamuluha, ni ku katala, ni kubata kukuta mwa mulaho, ni kuli, “Kiñi se ha si ezahala ku na?”

<sup>29</sup> Nto yenca, kakusasana cwana, kasamulaho wa kukutaza cwalo katata hahulu mo ne Ni konela kaufela, nekuna ni babañata bene batile kwa katala ku to buza ka Zona, “Kiñi se ha si ezahala ku na?” Mwa bona mo Li zamaela? Si fitelela batu ba litho. Ki batu, baba swana.

<sup>30</sup> Jesu naize, “Muna ni meeto, kono ha mu boni.” Na bulezi cwalo kwa balutiwa.

<sup>31</sup> Se bali, “Bona, cwale U bulela patalaza. Cwale lwa lumela. Hakuna mutu ya lukela ku Ku bulelela sika, kakuli Mulimu wa si bonisa ku Wena.”

<sup>32</sup> Mi ali, “Kana cwale mwa lumela, kasamulaho wa nako ye kaufela?” Mwabona?

33 Ha mu lukeli kubuza ka sika kaufela, ku Mulimu. “Kakuli mizamao ya mutu ya lukile i zamaiswa ki Mulena.” Mi muliko kaufela u beilwe ku mina, ku mi lika. Mi Bibebe ibulela kuli, “Ki lika zende hahulu ku mina kufita gauda.” Kacwalo haiba Mulimu alumeleza matata nyana kuezahala ku mina, muhupule, ki kwa sikuluho ya mina. “Mwana kaufela ya taha ku Mulimu una ni kushapiwa pili ki Mulimu, ni kulikiwa, tuto ya mwana.” Hakuna kuikambusa. “Mwana kaufela ya taha.” Mi mata a aezwa, atiswa, ku to bona mubonelo wa lika o mu kaba ni ona. Mwabona? Ki Mulimu, fa sibaka sa kutatubelwa se. Kona seo lifasi lili sona, ki sibaka sa kutatubela fateni, ni ko Alika ku mi tatubela.

34 Cwale amuteeleze, halunze luya kwapili cwalo. Mi Ni bata kunga kalulo ya mafelelezo ya yona.

*Ni ku bana ikonkile kuli habana kukena mwa pumulo ya hae, . . .*

Cwale, foo kona fo lu taha, busihu boo.

*. . . kukena mwa pumulo ya hae, kono hanili ki babane ba si ka lumela?*

*Kacwalo lubona kuli ne ba si ka kena . . . bakeñisa ku sa lumela.*

35 Cwale, sibi ki sikamañi? Kusa lumela. Mulimu na tile ku bona, mwa Siita sa Mulilo; a luma sicaba sa Hae, ni ku mutoza, amufa lisupo za kuezza fapila sicaba. Mi cwale ni Siita sa Mulilo, ka mupolofita, aba zwiseza kwande. Buino kaufela bo ne ba taha ku bona, neba kalile kubilaela ni kubulela mafosisa afi kaufela o ne ba fumana ku Mushe, ba kala ku omanyana ni kubilaela ka yena. Mi Mulimu a halifa, kakuli Na bulezi kuli, “Neba sweli kuezza sibi.”

36 Neba lukela kuteeleza. Kono, mwa sibaka sa zeo, ba teezeza ku za ku akaleza, “Likona kuba cwani? Lika ze likona kuba cwani?” Haiba ki Yena Mulimu, lika kaufela za konahala. Mi Uka eza lika kaufela kubeleka hamoho kwa bunde ku baba Mu lata.

37 Cwale lu kena mwa palo yetuna fa, yeo ki, ka za “Pumulo,” yona *sabata*. Cwale, nebali bazamayi mwa musipili wa bona. Mwabona? Nebali mwa Egepita mwani, lilimo ze mianda yemine, mi ni mwa butanga. Mi cwale neba sweli kutiswa ka limakazo za Mulimu, kuya ka sepiso ya Hae. Mi nebali mwa musipili wa bona kuliba kwa naha ya sepiso. Mi ki fa sekutaha Liseli la to bonahala, mi mwahala bona, ni kukala ku ba etelela.

38 Cwale, yomuñwi na ka bulela kuli, “Cwale, talima kwanu, ki yena mañi Mushe yoo? Ki mañi ya kuezize mubusisi wa luna? Kana ha u alimuñwi wa luna nji? Ki mañi ya ku beile kuli ube mulena luna? U nahana kuli uziba hahulu zeñata kufita mulisana wa luna? U nahana kuli uziba hahulu zeñata kufita

muprisita? U nahana kuli u—u talifile kufita seo moba inezi baana ba luna ba bulapeli, ba lizazi le?” Sani ne si sina sa kueza ni sona.

Neli Mulimu, mwa Siita sa Mulilo, inza paka kuli Nali mwa muzamao. Ne li si ka ba ni shutano ifi kaufela kuli ki mañi ya talifile ni ya na si ka talifa. Neli mulelo wa kulatelela sa na beile Mulimu fapila bona.

<sup>39</sup> Kiñi, Mushe, kuya ka za nama, na ezize nto ya bukuba hana likile kulamulela bana ka Linzwi la Mulimu, kunga sikwata sa batu kuzwa mwa lihalaupa. Mi asino eza cwalo. . . Kiñi, nali muca sanda kwa lika kaufela ze ne ba nani. Nana ni mpi kaufela yeneli teni, mwa lifasi kaufela, ai nata. Mi ki yani fani, ali ndwalume yomutuna wa masole. Mi muzamao otatama, na lukela kuba mulena, Faro wa Egepita. Kiñi, na lukela fela kutaha fa lubona, mi ali, “Ku lukile, bana, mukuteel kwa mahae.” Ao kona mafelelezo; nali yena Faro. Kono Mushe. . .

<sup>40</sup> Oh, ki ye fa. Mushe, ka *tumelo*, na boni sepiso ya Mulimu. Mi Lingeloi la Mulena la taha ku yena, mi na zibile hahulu za Mulimu, mwa mizuzu iketalizoho Fapila kubateni kwa Lingeloi, kufita za na itutile mwa lilimo ze mashumi amane ni baluti ba Egepita. Na zibile kuli Nali yena. Na boni za buipiteli ha li ezwa.

<sup>41</sup> Mi ali, “Ni kaba ni wena, Mushe. Ni ka ku zamaya kwapili.” Mi ba utwisisa. Mi A mufa lisupo za kueza.

<sup>42</sup> Cwale, nebali mwa musipili wa bona kuliba kwa naha ya pumulo. Mulimu na ba bulukezi pumulo, sibaka kone ba s ke kuba. . . ni bazamaisi ba batanga fahalimwa bona, ku ba zamaisa, ba ku ba ezisa kueza lika.

<sup>43</sup> Ha ki siswaniso kwa bunde ni seo kacenu, ha lu talimela fa Keleke ni kubona Keleke mwa buino bwa yona, mutu kaufela ya pepilwe ka Moya wa Mulimu uka nyaza lifasi. “Mi haiba mu lata lifasi kamba lika za lifasi, lilato la Mulimu mane haliyo nihaiba ku wena.” Kona se ibulezi Biblele ona cwalo. Mi muzamai wa niti, mwa musipili wa hae, luli uka toya lika za lifasi. U toile kubona batu habanwa bucwalo. U toile kubona batu haba zuba. U toile kubona basali mwa mikwakwa, inge batinile liapalo za bona zekama za masila zani cwalo. U toile kubona bukulu ni makadi a mikiti.

<sup>44</sup> Mi maabani, ka nako yeo Muzwale Tony. . . kamba Muzwale Wood ni Na hane lutaha mwa mukwakwa, ni babañwi cwalo, baana babañwi cwalo. . . Nekuna ni kalibe yomunyinyani kwani mwa Louisville, inge a taha mwa nzila, musali ya bonahala hande ya lateha, a apezi liapalo ze sabisa; ze cikiseza fela fahalimwa linoka, mi ni kasila nyana kaka tamilwe fa linoka za hae, kwa maneku kaufela, ni kaemba nyana ka kasila fapata a hae, inge ka tamilwe ni kahala kwamulaho. Inge a zamaya mwa mukwakwa, kusabisa maswe, mi muuna kaufela mwa mukwakwa inge a mu talimela. Se nili, “Ha zibi kuli u mapunu,

mwa meto a Mulimu, ka kueza buozwa ni muuna kaufela ya mu talimela ka buino bwani. Mi uka yo ikalabela ka lizazi la katulo ka kueza buozwa ni bona baana bani.”

<sup>45</sup> Jesu naize, “Yo kaufela ya talimela musali ka ku mu lakaza, u sa mu bukile kale.” Yeo ki niti.

<sup>46</sup> Kacwalo, mwa bona, Muzwale Wood naize ku na, “Ki sikamañi so bona kuli kona se si eza lika zeo, Muzwale Branham?”

<sup>47</sup> Se nili, “I kona kuba kulyangana mwa booko kamba kutasezwa ki diabulosi.” Kuna ni fela lika zepeli zekona kueza cwalo. Musali ya ikutekile, ya kenile hakoni kutina lika zani; kwanda kuli utaselizwe ki diabulosi. Yeo luki ki Niti.

<sup>48</sup> Cwale, muzamai yali mwa musipili wa hae kuliba kwa Lihalimu, upila mwa sibaka se si shutana. Ha mu lukeli kubilaela ka yena ha talimela musali. U ka sikululela toho ya hae haiba una ni Mulimu mwa pilu ya hae, kakuli upila mwa sibaka sa limaili ze lule kuzwa kwa lika zani. Yeo ki niti. Ha mu na kutabela kuba ni mulatu wa lika zeo, kwa katulo. Kacwalo u ka sikululela toho kusili ni kubulela kuli, “Mulimu, u mu utwele makeke musali yoo,” mi kipeto wa ikela. Lu mwa musipili wa luna. Lu mwa musipili wa luna kulika kwa Naha ya Kanana. Lu mwa musipili wa luna kuliba kwa Pumulo ya Kuyakuile yani ya lufile Mulimu. Mi mwa musipili mo, lwa likiwa. Lwa likiwa mwahala mifuta ya lika, kon niteni lulikiwa kusina kueza sibi.

<sup>49</sup> Cwale mulemuhe, halunze lu ya fa kauhanyo ya 4, “Ki fo he lusabeñi.”

*Ki fo he lusabeñi, mwendi, sepiso ye siyezwi luna ya kukena mwa pumulo ya hae, . . .*

<sup>50</sup> Ni bata kuli muhupule, kuli, kwanda kuli lufumane, kwanda kuli Mulimu u li patuluzi ku luna! Hakuna taba kamba luyanga hakai kwa keleke, zeo halina sa kueza ni zona. Mulimu ulukela kutaha ka sinulo ni kuipatulula ili Yena ku luna, zeo li ka zwisa lika kaufela za lifasi mwateni. “Cwale, ha ku sa bizwa kuli, ‘Kacenu ha mu. . .’”

<sup>51</sup> Cwale ha lu kaliseni fa—fa kauhanyo ya 4.

*Ha lusabeñi kihona, mwendi, sepiso ye siyezwi luna ya kukena mwa pumulo ya hae, . . .*

<sup>52</sup> Cwale muhupule, hane bali mwa musipili kuya kwa Pumulo, Siita sa Mulilo ne si baetelela. Cwale lubata kulemuha kuli, “Pumulo ye ki sikamañi?”

*Ki fo halu. . . sabeñi, mwendi, sepiso ye siyezwi luna ya kukena mwa pumulo ya hae, (mutalime), yomuñwi wa mina aka suhana a sialela.*

<sup>53</sup> Cwale, ki ye sepiso. Ki se selu lukela kusaba: haiba hakuna sepiso ye siyezwi luna. Kono ki yeo sepiso! Mi cwale, nto yetatama, musike mwa sialela.



54 Cwale, mulelo ki kuli, haiba lu mwa musipili wa luna kuliba kwa Pumulo, Pumulo ki sikamañi? Ifumaneha kai? Kana ki ku ikopanya mwa keleke nji? Kana ki ku kolobezwa ka nzila yemu nji? Kana ki kuba membala wa keleke yetuna yeliteni mwa munzi nji? Kutina liapalo zende nji? Kana ki tuto nji? Kana ki masheleñi nji, kuli luitulele kusebeza ni kuikinela fela kanti, kupumula pumulo ya bupilo bwa luna, sina mo lu ibizeza? Zeo ha ki zona.

55 Muteeleze se ibulela Bibeles kuli kona seili sona, ni mo lu i felwa.

*Ki fo ha lu sabeñi, mwendi, sepiso ye siyezwi luna ya kukena mwa pumulo ya hae, yomuñwi wa mina aka suhana a sialela.*

*Kakuli ku luna (lizazi lani) evangeli ne i kotalizwe, mo ne ikutalelizwe ku bona: . . .*

Evangeli ki sikamañi? Ki makande amande. Makande amande natile ku bona mwa Egepita, kuli, “Mulimu na lumile mulamuleli, mi Uka lu isa kwa naha ya sepiso.”

56 Makande amande ku luna cwale, kikuli, “Mulimu u lumilse Mulamuleli, ona Moya o Kenile, mi lu mwa musipili kuya kwa Naha ya sepiso.” Cwale sicaba si li ezize kuba lituto za litumelo ni likopano, kono niteni Mulimu u sa siyala ona cwalo, kuli, *Pumulo ya luna* “ki Moya o Kenile.”

57 Mulemuhe.

*. . . evangeli yene kotalizwe . . . ku bona sina mone ikutalelizwe ku luna: kono linzwi lene li kotalizwe ha li si ka ba tusa sesiñwi, bona . . .*

Muhupule:

*. . . linzwi lene li kotalizwe ha li si ka ba tusa sesiñwi, kakuli ne li si ka zwakiwa ni tumelo ku ba ba li utwile.*

58 Oh, mizwale bahesu, halu boneni ni yeme fa ka muzuzu fela. Hakuna taba kamba Linzwi li kutazwa cwani, kamba mutabela cwani mukwa o Li kutazwa ka ona; kwanda kuli wena kasibili ube ni kabelo ku Lona, Halina ku ku tusa sesiñwi.

*. . . ne li si ka zwakiwa ni tumelo ku ba ba li utwile.*

59 Neba boni limakazo za Mushe. Neba ize, “Zeo ki zende.” Mi ba silela mwabuse. Bona, neba muboni haeza limakazo. Mi ba bona Siita sa Mulilo, mwendi, kamba ku ba utwa inge ba bulela ka Lona. “Oh, zeo ki zende.”

60 Kono ne li si ka zwakiwa ni tumelo ya butu. Kakuli habama no kena mwa lihalaupa, bona (mañi ni mañi) bakala kubilaela. Mi Mulimu ali, “Kakuli ne ba kakanyize, ne i li sibi.” Musike mwa kakanyanga lika. Mulumele. Musike mwa kakanya, hakuna taba kamba butata bu cwani, mu Li lumele.

61 Cwale ba kalisa kubilaela, mi Mulimu aba ñala. Mi ki Ha ikonka, mwa buhali bwa Hae, kuli, “Ha ba lukeli kukena mwa

Pumulo ya Hae.” Mi Bible ibulezi mo, Na lumela ki mwa—mwa kauhanyo ya 3, kuli, “Litupu za bona ne li wezi mwa lihalaupa.”

<sup>62</sup> Kauhanyo ya 3 ni timana ya 17.

*Kono ki bafi ba na nyemezi ka myaha ye mashumi amane? hanili ki babane ba ezize sibi, ki bafi be litupu za bona liwezi mwa lihalaupa?*

<sup>63</sup> Mi mwahala bona kaufela ba bazwile mwa Egepita, kwanda bababeli kona ba bailo fita mwa naha ya sepiso. Kuzwa mwahala lifasi la muunda kaufela, mwa mazazi a felile akale, nekuna ni mioyo ye ketalizoho ka yemilalu yene pilisizwe, kuzwa mwahala ma bilioni. “Munyako wa kumbana ni nzila ki ye sisani, mi ki ba banyinyani fela baba ifumana.”

<sup>64</sup> Batu babañwi bali, “Cwale, Muwale Branham, kucwani he kwa likiti kiti ze kaufela zeo Bible ibulela kuli li ka bonahala?”

Muhupule fela kuli ki babakai baba shwile mwa lusika ni lusika, baba bile Bakreste, mwahala masika kaufela. Kaufela bona ba ka zuha. Seo si bupa Mubili. Mu kulubela kuli kuzwe ma bilioni a mwanda mwa America mo, baba ka zwa, kamba nto yeñwi, lifasi le kacenu. Hakukoni kuzwa baba mashumi aketalizoho mwateni. Kono Keleke yetuna ye liuluzwi ilobezi mwa liluli, ya libelela. Ki macwe a butokwa a Mulimu a pumuzu mwa liluli. Kono mioyo ya bona imwa taza aletare ya Mulimu. Habayo mwa buino bwa bona bobunde. Ba mwa mubili, luli, kono ki wa bungeloi. Mi ba lilela ku Mulimu, “Ki nako yekuma kai?” Ne ba bonana, kono ne ba sa swalani mwa mazoho, mufuta wa mubili wani.

<sup>65</sup> Muka kopana ni bomaa mina mwa Kanya busihu boo, haiba muna ni kufunduka, hamukoni kuba swala mwa lizoho kakuli habana lizoho la mufuta o cwalo. Hamukoni ku utwa sina mo mu utwela cwale. Kakuli, maikuto a ketalizoho kona a beilwe mwa mubili wo, aku u zamaisa. Kubateni kwa bona ku koba kuutwahala mwa sibaka sesiñwi.

<sup>66</sup> Fo kuswana sina muuna ni musala hae. Hakuna kuba kunyalana, kamba ku nyalisa, mwa Lihalimu. Kiñi? Kakuli kuna ni lilato la mufuta usili. Hakuna takazo ya munyaka wa foso. Lika zeo kaufela li se li felile. Mu se mu kenisizwe mi mu lukile.

Kono ha mu si ka pila mwa buino bwani, kabakaleo ne mu si ka bupelwa mulelo woo. Musweli fela kulibelela foo. Mu lakaza ku kutela kone mu bupezwi kuba muuna ni musali, mi kwani Mulimu uka zusa mubili wani kuzwa mwa liluli la lifasi ni ku ufa kanya. Mi mu ka bona, kulwaza, kuswala, kununkelela ni kuutwa, ni ku utwana. Haluna ku ziba . . .

Halukoni kuikola bupilo bwa Lingeloi. Ne lu si ka bupiwa kuba Mangeloi. Mulimu na bupile Mangeloi. Kono Na bupile mina ni Na, baana ni basali. Bwani kona buino bo lukaba ku bona, kamita, fa Kutaha kwa Hae.

67 Cwale, mwabona mo ne ba palelezwi, kakuli ne ba ezize sibi ni ku wa felelwa ki kanya. Mulimu na ba bonisize Siita sa Mulilo. Na ba bonisize lisupo ni ze komokisa. Na ba zwiselize kwande. Na ba tisize mwa muliko, ku to ba lika.

68 Cwale, ha mu si ka ba ni miliko yemiñata? Musike mwa bilaela ka bona. Munyakalale. Mulimu una ni mina. U sweli kulika tumelo ya mina. Mutalime ku Jobo mwa Testamente ya Kale, ha Na bulezi kuli, “Kikuli u lemuñhile mutanga Ka Jobo, ki muuna ya lukile, muuna ya petehile? Hakuna ya swana ni yena mwa lifasi.”

69 “Oh,” na bulezi kuli, “luli, U mu beile mwahali a lukwakwa: haana matata ni amakana, haana lipilaelo ni zekana. Haana matata a mashelēni ni a makana, lika kaufela liiketile. Haana matuku ni a makana, butuku bufi ni bo bukana. Halubone ni mu ñomele. Ni ka eza kuli mane a Ku lwahe, unzo Mu talimezi.”

70 Mi ali, “U mwa lizoho la hao, kono fela usike wa nga bupilo bwa hae.”

71 Oh! Na ezize lika kaufela kwanda kunga bupilo bwa hae, kono apalelwa kushenyisa Jobo. Jobo na ziba kuli na yemi hande ni Linzwi. Yeo ki niti. Mi mioya ye lunya kaufela ya mwa lihele neisika mu shenyisa, kakuli na ziba kuli na file sitabelo. Nali ya lukile. Mi ba mu tameleza, kuli, “U ezize sibi, Jobo, mi Mulimu usweli wa ku fa koto.” Na zibile kuli Mulimu na si ka . . . kuli na si ka eza sibi fapila Mulimu. Na ziba kuli nali ya lukile. Isiñi kakuli nali muuna yomunde, kono kakuli na amuhela sitabelo sa kucisa mwa sibaka sa hae.

72 Mi, busihu boo, lu ziba kuli bupilo bwa hae ne bu paka kuli nali ya lukile. Mi cwale ha mu . . . Ha ki kulika kuya kwa hae kwa Kanya kakuli ulika kutusa muyaha mabapa ni wena; zeo ki zende. Isiñi kakuli uikopanyize kwa keleke; zeo ki zende. Kono uka kwa hae kwa Kanya kakuli u amuhezi kuluka kwa Jesu Kreste, hakuna so ezize ka wena fela.

73 Cwale, halunze lu bala kuya fa pata.

*Kakuli ku luna evangeli ikutalizwe, . . . (timana ya 2)  
sina . . . mone ikutalezwe ku bona: kono linzwi lene li  
kutalizwe ha li si ka ba tusa sesiñwi, kakuli ne li si ka  
zwakiwa ni tumelo ku ba ba li utwile.*

Tumelo neisiyo ku babane ba utwile Linzwi.

74 Munahane fela, kacenu, mwa bunyinyani, bulumiwa bo bu ikokobelize bo Mulena ani file, ku lukela kuba ma American baba kuma fa fote milioni baba pilisizwe, busihu boo. Mwa ziba se ba bulela? “Kiñi, ki minahano ya mwa toho fela. Ki mubali wa minahano. Hakuna lika ze cwalo! Kiñi, ha ki wa keleke ya luna.” Mwabona? Ha ki . . . hakuna taba kamba mu li beya cwani fa Linzwi ni kubonisa kuli ki Linzwi la Mulimu, ki sepiyo ya

Mulimu, kamba sayansi ika li bonisa cwani kuli Ki za niti, niteñi ba ka palelwa kulumela. Biblele ibulezi kuli habana kulumela.

<sup>75</sup> Ali, “Kona kuli ki tuso mañi ya ku Li kutaza?” Mulimu una ni kuba ni paki, yelukela ku yo ba atula, ka Lizazi lani. Linzwi ne li kutalizwe ni ku bonahaliswa mwahala bona, mi niteñi ba ikela kusili ka ku sa ziba. Hakuna ze siyezi kwanda katulo fela. Mulimu na si ke a atula ka kuluka—na si ke a atula ka kuluka naha kwanda kuli kube sishemo kusikaba kale katulo. Yena ki Mulimu. Na si ka li eza.

<sup>76</sup> Cwale lu bulela sikamañi?

*Kakuli luna ba . . . ba lumezi lu keni mwa pumulo, sina ha bulezi kuli, Sina ha Ni ikonkile mwa buhali bwaka, haiba ba ka kena mwa pumulo: misebezi ni hane ifelile kuzwa kwa mutomo wa lifasi.*

*Kakuli u bulezi mwa sibaka sesiñwi ka—ka lizazi la busebene cwana, . . .*

<sup>77</sup> Cwale, Hani lati ku holofaza maikuto a batu, ka kulwanisa bulapeli bwa bona. Wo ha ki wona mulelo waka. Kwande mwa masimu, Ni kutaza fela sina kamita, kuhasanya evangeli yetuna, lituto za makalelo a tumelo. Kono mwa tabernakele, mwahala bana baka mo, Ni ikutwa kuli Ni na ni tukelo ya kukutaza se Ni nahana kuli kona Tuto mi ni Niti. Mwabona? Ni sepa kuli seo si lukile.

<sup>78</sup> Cwale, Nina ni balikani babande ba Sabata, ba sicaba sa Balumeli ba Lizazi la busene. Babañwi ba balikani babande be Ni nani, babañwi ba bona ki Balumeli ba Lizazi la busebene.

Nihakuli cwalo, muzamao o mutuna wateni, mo ba ubizeza, kuti—kuti *Linzwi la Sipolofita*, bona luli ba ni lwanisa. Ba bulezi kuli Ni bulelanga litaba fa katala, ni kubulela kuli, “Kina Mulimu. Mi ni kuli—kuli Liseli lani le li latelela neli Lingeloi, mi ni kuli Kina Mulimu. Mi Ni tile mwa lifasi ku to eza lika zetuna, ku to bonisa kwa sicaba kuli Kina Mulimu.” Cwale, zeo kona ze ne ba bulezi ba *Linzwi la Sipolofita* ka na, neli mwa California mwani. Mi kaufela ya na bulezi zeo, mwa ziba, na bulezi nto yeñwi, ye ne si cwalo.

<sup>79</sup> Kono ka kukala, ha ki ku nyaza keleke ya Balumeli ba Lizazi kamba keleke ifi kaufela ya Sabata, kono ki bakeñisa fela Evangeli. Lu ka shetumuka, mwa mizuzu yelikani fela, ku ba Pentekota, ni bona. Eehe. Kiniti. Kuba Baptist, lu ka shetumuka ku bona ni kubonisa kuli Mulimu ha shemubi kopano ka saluluti. Yeo ki niti. Yena u shemuba fela mutu ka buyena. Mi Ha sebelisani ni kopano ifi kaufela, Ha si ka eza kale zeo mi Haana ku lieza, kuya ka Linzwi la Hae. Kono U sebelisana ni mutu anosi mwa kopano ifi ni ifi. Eeni, ki mutu ka buyena yoo Mulimu asebelisana ni yena.

80 Cwale ha muteeleze ku se ka tokomelo luli, mi haiba kukile kwa ba, nako kaufela, puzo itaha ha itaha ku mina, li ka fela. Cwale, mi Mulena a lu tuse.

81 Cwale, katokomelo, “Kakuli. . .” Timana ya 4.

*Kakuli u bulezi hape mwa sibaka sesiñwi ka za lizazi la busene cwana, . . .*

82 Cwale mutalimele. U sweli kubulela ka za sabata. Ki ba bakai ba baziba linzwi la kuli *s-a-b-b-a-t-h* mwa He- . . . ki la Siheberu linzwi leo mi litalusa kuli “p-u-m-u-l-o”? Ki ba bakai ba baziba cwalo, kuli kona mwa Sikuwa? Luli. Kana *sabata* ha i utwahali kuba linzwi le li sehisa? Ki cwalo.

83 Kana *kukeniswa* ha li utwahali kusehisa linzwi leo? *Kukeniswa* ki linzwi la Sigerike. *Kukeniswa* kotalusa “ku ba ya kenile.” Siheberu, litalusa kuli “ku kenisa.” Sigerike, litalusa kuli “ku kenisa.” Sikuwa, litalusa “ku kenisa.”

84 *Sabata* italusa kuli “ki zazi la kupumula.” Seo kona sabata se ya kale neili sona, neli lizazi la kupumula. Ha mu bona *pumulo*, i talusa kuli “sabata.” Mu yo li bata bata mwa libuka za litaluso za makalelo, haiba muna ni Bibe le ya Sigerike, ni kufumana kuli linzwi leo. . . Haiba muna ni Bibe le ya Scofield, mutalime fa palo yeli mwa matuko a linzwi la kuli “pumulo” mi mubone haiba ha li na ku mi kutiseza kwa *sabata* hape. *Sabata* italusa kuli “pumulo.” Ku lukile.

85 Cwale mutalimele.

*Ki fo he lusabeñi, mwendi, sepiso ye siyezwi luna ya ku kena mwa sabata ya hae, pumulo, . . .*

86 Cwale, batu babañata ba buluka mazazi, inge kubuluka sabata la *Pelekelo*. Babañwi ba eza la *Sunda* kuba kalimu, kuba lizazi la kulapela. Mi ka sishemo sa Mulimu, ni ka Linzwi la Mulimu, Mulimu ani tuse busihu boo, Na kona ku mi bonisa kuli bubeli bwa bona kaufela ba fosa. Bubeli bwa ya lapela la *Sunda* ni ya buluka sabata. Sibeli sa bona shangwe ba latehezi mukwazo kuya ka Linzwi. Mi nihakuba cwalo, ki Linzwi le luna ni kuya ka lona, ha ki ka ze ba bulela Basabata, kamba isiñi ze ba bulela Baipanguli, kamba ze ba bulela ba Katolika. Kono ki se ibulela Bibe le.

87 Cwale, cwale mutalimele.

*Kakuli u bulezi mwa sibaka sesiñwi ka lizazi la bu sebene cwana, . . .*

Cwale lu ka bulela nto ye *cwana*, ni kubiza kuli—kuli, “Pumulo ya Mulimu,” kuba lizazi la busebene.

88 Cwale mutalimele. “Mi Mulimu. . .” Muteeleze kwa Liñolo le cwale.

*. . . Mulimu na pumuzi ka lizazi la busebene kwa musebezi wa hae kaufela.*

Mulimu nabile ni Sabata, mi lizazi la busebene lani neli myaha ye wani sauzande, ili mufuta wa puso ya Mileniamu.

*Kakuli u bulezi . . . ka lizazi la busebene cwana,  
Mi Mulimu a pumula . . . kwa musebezi wa hae—hae  
kaufela.*

Twani ki tulokandina twa mutu, “Misebezi ya Hae kaufela.” A pumula ka lizazi la busebene. Yo ki Mulimu.

*Mi mwa sibaka se (mwatasa mulao), Haiba ba ka kena  
mwa pumulo yaka.*

<sup>89</sup> Mulimu na pumuzi, ka nama, kakuli Na ezize mahalimu ni lifasi mwa mazazi a sikisi, mi ka lizazi la busebene A pumula kwa misebezi ya Hae kaufela. Na pumuzi ka myaha ye wani sauzande. Kakuli Bibebe ibulela, kuli, “Lizazi lililiñwi mwa lifafi ki myaha ye wani sauzande mwa Lihalimu; myaha ye wani sauzande mwa Lihalimu; ki lizazi lililiñwi mwa lifasi.” Ki ba bakai baba ziba kuli Mañolo abulela cwalo ku Pitrosi wa Bubeli? [Kopano ili, “Amen.”—Mu.] Ku lukile. “Mulimu na pumuzi ka lizazi la busebene. Mi U bulezi cwana mwa sibaka sesiñwi.”

<sup>90</sup> Cwale muteeleze ka tokomelo.

*Kakuli u bulezi mwa sibaka sesiñwi ka lizazi la  
busebene cwana, Mi Mulimu apumula . . . kwa misebezi  
ya hae kaufela.*

*Mi mwa sibaka se hape, (ki mulao), Haiba ba ka kena  
mwa pumulo yaka.*

Na file Majuda, mwa musipili wa bona kuzwa mwa naha ya sepiso, kamba, kuzwa mwa Egepita kuya kwa naha ya sepiso, lizazi busebene kuba sabata.

<sup>91</sup> Cwale ha muteeleze.

*Ka kubona kuli ku sa siyezi babana ni kukena  
mwateni, mi ni bona babane ba kotalizwe za yona . . .*

Za pumulo! Mulimu na ba file mulao, mi sabata neli mulao wa bune.

*. . . haba si ka kena bakeñisa ku sa lumela: . . .*

<sup>92</sup> Cwale mutalimele. U sweli kuambola ka mulao, mo ne ba kenezi mwateni, ne ba si ka zwakanisa ni tumelo. Ne ba si ka li mamela. Ne ba buluka sabata kuba fela kupuzo, kuli ne baya kwa naha ya sabata, ku yo ba ni pumulo ya kuyakuile kuzwa kwa matata a bona kaufela ni lipilaelo kaufela, ko ku sina bazamaisi ba batanga, ko ku sina masihu a ku sa lobala. Nebali mwa musipili wa bona kuliba kwa naha ya sepiso ya pumulo. Ne i buba mabisi ni linonsi. Magilepu neli amatuna hahulu kuli baana bababeli ne ba nanula sisansa silisiñwi fa maheta a bona. Oh, ha ki ya pumulo ni yeo! Kono ne ba palezwi ku iluwa hane ba i lo fita ku yona, bakeñisa ku sa lumela. Ne ba kashelizwe kwatuko, ka limaili ze mashumi amane kozwa ko

ne ba siile Egepita, kuya kwa naha ya sepiso. Mi nebali lilimo ze mashumi amane kuli babe kwani, bakeñisa ku sa lumela kwa bona. Mulimu na ba file mupolofita wa bona, a mu fa sisupo sa Hae, a mu fa Siita sa Mulilo, abonisa lisupo ni ze komokisa, ni ku kutaza Evangeli ku bona. Mi ba zwela kwande, kasamulaho wa litapi ni linkwa, mi ba shwela mwa lihalaupa. “Mi litupu za bona za shwela mwa lihalaupa.”

<sup>93</sup> Jesu, fa liweluwelu, Na ize.

Bali, “Bashemi ba luna neba cile manna mwa lihalaupa, ka myaha ye mashumi amane.”

<sup>94</sup> Mi ali, “KI NA Sinkwa sa Bupilo sani se si zwile ku Mulimu kwa Lihlimu. KI NA Sinkwa sa Bupilo. Mushe na si ka mifa Sinkwa sani. Ki Ndate yana mi file Sinkwa sani. Mi KI NA Sinkwa se si zwile ku Mulimu kwa Lihlimu. Haiba mutu a ca ku Sona, haana kushwa.” Yeo kona shutano.

<sup>95</sup> Cwale mutokomele. Ne ba bulezi kuli ki Yena. . . “Neba nwile kwa Licwe lene lili mwa lihalaupa, ka nako yekuma fa *lilimo zeñata luli*.”

<sup>96</sup> Mi ali, “KI NA Licwe lani.” Kufuyolwe Libizo la Hae le li Kenile! “KI NA Licwe lani.”

Kana U kona kuba cwani Licwe lani? Licwe lani neli Licwe la moya. Ne li latelezi bana ba Isilaele. Mi Mushe nana ni kota mwa lizoho la hae, o no li mulamu wa katulo ya Mulimu. Mi Mulimu a mu bulelela kuli anate fa Licwe, mi a nata fa Licwe. Mi ha na shwile, mezi a zwa mwa Licwe. Mi Kreste nali yena Licwe lani, mi katulo ya Mulimu ya sibi neli ku Mu nata. “Mulimu na beile bumaswe bwa luka kaufela ku Yena,” mi bumaswe bwani ne bu zwelela kwa pilu ya Hae. Mi kuzwa kwa pilu ya Hae kwa zwa Moya o Kenile, inge linuka za mezi, kwa sicaba se si sinyeha, se si shwa.

“KI NA Licwe lene lili mwa lihalaupa.”

“Kiñi,” na bulezi kuli, “U talusa kuli. . .”

<sup>97</sup> Ki hali, “Mushe, yena ya mi bulelezi cwalo, na lakalize kubona lizazi la Ka. Mi na boni siemba fela.”

<sup>98</sup> Ki hali, “Cwale, U talusa kuli U yomutuna kufita Mushe? Uli U boni Mushe? Kanti Mushe sa shwile lilimo ze mianda iketalizoho ka ye milalu kafoo.” Bali, “Cwale lu ziba kuli Una ni dimona,” ka manzwi asili, wa lyangana. “Lu ziba kuli Wa lyangana.”

<sup>99</sup> Mi ali, “Mane Abrahamama asi ka ba kale, kina YALITENI. Nenili YOMUTUNA YALITENI ya na li mwa sicacani se si tuka. Ki na Mulilo o no li mwa sicacani se si tuka. Ki na Lingeloi lani lene li zamaile fapila bona.” Mi ki Hali, “Ni zwile ku Mulimu, mi Ni kutela ku Mulimu.” Mi Na zwile ku Mulimu, a ezwa nama mi ayaha ku luna; akutela kwa Siita sa Mulilo se si swana sani.

Mi ki Yo fa, busihu boo, kasamulaho wa lilimo ze likiti zepeli, “ki yaswana maabani, kacenu, ni kuyakuile,” inge a eza lika zeswana, inge a zamaisa bana ba Hae baba fuyozwi.

<sup>100</sup> Mi babañata ba sweli kutaha... bakeñisa ku sa lumela. Cwale, na bulezi kuli, “U tomile lizazi leliñwi,” lizazi fa na felelize musebezi wa Hae Mulimu. Mi, “U toma hape ‘lizazi leliñwi,’ mi ka mukwa woo, kikuli haiba ba utwa, haiba ba ka taha, baba buluka lisabata, kufita mwa likweli zenca ni zeñwi cwalo.” Fo kona mizwale ba tumale ya Sabata ilika ku mi kutisa kwa mulaho.

<sup>101</sup> Cwale ha lu zwelenipili kubala. Mulemuhe.

*Ka kubona kuli...kuna ni babañwi baba lukela  
kukena mwateni, mi ku babane ba kutalizwe pili ha ba  
si ka kena bakeñisa ku sa lumela.*

<sup>102</sup> Cwale, timana ya 7. Oh, mawi! Ni li, Mañolo a susumelizwe ka lipalo za teni. Ni li, Mañolo ki kuli, mane mwa mikwa kaufela, isusumelizwe. Lipalo za Bibe le li petahalile.

<sup>103</sup> Kana mu lemuhile United States ye kuli ifa nombolo ya bulishumi ka zetaalu mwa lika kaufela ze i eza? Mwa ziba kuli ne i yahilwe ka linaha zahabo ze lishumi ka ze taalu? Mwa ziba kuli ndembela inani linalelo ze lishumi ka ze taalu ku yona pili? Mwa ziba lika kaufela zeo United States ieza liinzi fa nombolo ya bulishu ka ze taalu nji? Kana mwa ziba kuli ifumaneha mwa Bibe le kauhanyo ya 13 naa? Luli ki cona. Sibatana se sinyinyani, ngunyana yene zwile mwa mezi, haki bukiti ni buñata bwa sicaba... ha ki kuzwa mwa mezi, kono ki kuzwa mwa naha, ko ku sina ni yomukana. Neina ni manaka amabeli amanyinyani: puso ya bulapeli ni ya muuso. Mi neili ngunyana: tukuluho ya bulapeli. Kasamulaho wa nako nyana, ne li zamaile hamoho mi za bulela sina drakoni, ni kubonisa puso ya mata kaufela a liteni mwa Rome yene ezize fapila hae. Zeo litaha mwa naha ya luna. Mu li ñole. Mu talimele Swalisano ya Likeleke ni Katolika ha li kopana hamoho, mi mubone se si nga sibaka.

<sup>104</sup> Sicaba se si latelela Siita sa Mulilo bakaba ni nako yetata, kono ba itukiselize ku cinciwa kwa mibili ka nako yeo, yeo ki niti, ba itukiselize fela kuya. “Kakuli Ngunyana neiba komile,” kubulela Bibe le, “mi babane ba I latelela, kakuli ne ba bizwa baketwa mi baba sephala, ki Baketwa ba Mulimu.” Mubone kuli musike mwa izezanga ngana kwa sipolofita seo cwale, ili kuli lu akufe ku se.

<sup>105</sup> Muteezeze hande, kauhanyo ya 7, ki... Ni talusa kauhanyo ya 4, timana ya 7. Sebene ki nombolo ya kufeleleza. Bulalu ki nombolo ya Bupilo. Sebene ki nombolo ya kufeleleza, mi se sifa sabata ye felelezi.

“Mi hape,” muhupule, na bulezi kuli, “Mulimu,” ka manzwi aa. Mi abulela cwale ka “mulao,” ka manzwi a cwalo. Mi cwale, hape, “U toma lizazi leliñwi,” lizazi la bulalu, nako ya bulalu.



*Hape, u toma lizazi leliñwi, ki lizazi leliñwi, ubulela ku Davida, Kacenu, kasamulaho wa nako yetelele; . . . Kacenu, kasamulaho wa nako yetelele cwalo; ha ku nze kubizwa kuli, Kacenu ha mu utwa linzwi la hae, musike mwa itatafaza lipilu. (Mutokomele.)*

*. . . haiba Jesu na ba file pumulo (wa sabata), . . . kikuli na ka bulela hape ka lizazi leliñwi nji.*

Likalulo za nako li cinca ka Jesu Kreste: kuzwa mwa mulao wa sishemo, kuzwa kwa misebezi kutaha kwa sishemo, kuzwa kwa sika so eza kutaha ku sa ezize Mulimu, fa mata a mina kamba fa mata a Hae. Ne li cincize.

<sup>106</sup> Mi Mushe hana zwile mwa lihalaupa, ka mulao, na bulezi kuli, “U si ke wa buka. U si ke wa uzwa. U si ke wa bulaya. U buluke lizazi la sabata kuba leli kenile.” Mi Jesu hana zwile mwa lihalaupa. . . Fani Mushe ha tile, diabulosi na mu likile. Mi diabulosi amano mu lika, na li teelelize. Mushe nana ni siemba se si fokola. Ki ba bakai baba ziba bufokoli bwani? Kacimacima. Ha na ba boni inge ba balapela namani ya gauda, a wiseza fafasi milao ni ku iloba, ku mi bonisa kuli buprisita ne bu lobilwe. Mi Mulimu amu fa yona hape.

<sup>107</sup> Kono cwale Jesu ha na zwa mwa lihalaupa, mazazi a mashumi amane a kuitima lico, Na lapile, kona fela kalulo ya bufokoli ya Na nani. Mi diabulosi a taha ku Yena ni ku to li, “Haiba U Mwana Mulimu, fetula macwe aa kuba sinkwa. Eza makazo cwale faa. Halu bone ni Ku bone ha uieza, mi Ni ka Ku lumela.”

<sup>108</sup> Jesu ali, “Ku ñozwi, ‘Mutu haana kupila ka buhobe feela, kono ni ka Linzwi kaufela le li zwelela mwa mulomo wa Mulimu.’” Na ziba kuli na si ka katana Mushe fani, kakuli Na ile kwa Linzwi.

<sup>109</sup> A Mu isa fahalimwa situwa, sa tempele, ali, “Haiba U Mwana Mulimu, I kwiseze fafasi.” Mi a *lamba lamba*, isiñi kubulela ze ñozwi, kono kulamba lamba Mañolo. Ali, “Ku ñozwi, ‘U ka laela Mangeloi, kuli aku babalele, kuli U si ke wa kuba liutu la Hao kwa licwe. A ka Ku swala.’”

<sup>110</sup> Mi Jesu aya fela kulibana ni Linzwi, mi a mu kalimela.

<sup>111</sup> A Mu isa fa ngo ya lilundu ni ku Mu bonisa United States ni Germany ni Switzerland, ni linaha kaufela za lifasi, ze ne kabateni kaufela, ali, “Kaufela ki za ka. Ni eza ku zona mo Ni latela kaufela.” Ki kabakaleo ha luna ni lindwa ni matata. Ali, “Ni eza ku zona. . .” Ki kabakaleo basali batina. . . ni kuzwelapili ku zona, ka mulao. Kaufela zona li busiwa ki diabulosi. Ona seo kona se i bulezi Bibebe. Satani naize, “Ki za ka. Ni eza ku zona mo Ni batela kaufela.” Ali, “Ha Uka ni kubamela, Ni ka Ku eza mulena sina Na.”

112 Jesu ali, “Ku ñozwi, ‘U lapele fela Mulena Mulimu wa hao, u sebeleze yena.’ Zwa ku Na, Satani.”

Kiñi? Jesu na ziba kuli Na ka li luwa mwa puso yetuna ya Mileniamu, fani Mubuso wa Hae ha no ka taha. “Se si latwa ki wena si ezwe mwa lifasi sina mo si ezezwa kwa Lihalimu.” Hakuna ku yo ba tuputula to tu ka tiniwa. Hakuna ku yo ba kunwa macwala. Hakuna ku yo ba takazo. Hakuna ku yo ba boozwa. Hakuna ku yoba lifu. Hakuna ku yo ba maswabi. U na ni sanda sa naha kaufela. Ki za Hae. Yeo ki niti. Ki za Hae, mi Uka ba ni sanda ku zona. Kono Satani una ni zona fa nako nyana fela, fo ki kacenu, le lupila ku lona.

113 “Kono U tomile lizazi, ulibiza, ‘Kacenu, kasamulaho wa nako yetelele hahulu.’ Mi uli, ‘Musike mwa itatafaza lipilu.’”

*Kakuli haiba Jesu na bafile pumulo, . . . na si ke a bulela ka lizazi leliñwi hape kasamulaho.*

114 Muzwale waka wa Sabata, u talimele fateni Foo. Paulusi faa, ubulezi. Mi Paulusi naize, mwa Magalata 1:8, haiba musweli kuñola mañolo, Magalata 1:8, “Haiba Lingeloi lizwa kwa Lihalimu litaha ku to kutaza evangeli isili kufita Ye Ni kutalize, leo libe le li kutilwe.” Paulusi naize, “Haiba Jesu na ka bafa lizazi la Pumulo . . .”

115 Mutalime, fani Ha zwa fa lilundu. Na tulukile cwale. Na komile diabulosi. Na tozizwe, inge a i tukiselize bulumiwa bwa Hae. Mi ali, “Mu ba utwile habaize, bani ba linako za kale kuli, ‘U si ke wa bulaya,’ kono Ni li ku mina yo kaufela ya nyemela muhabo, kusina mulatu, u sa mu bulaile kale. Mu ba utwile ha baize, bona ba linako za kale,” ba lizazi le, baba buluka sabata. “Mu ba u twile ha ba li, kwa mulaho kwa linako za ikale kafoo, mwatasa mulaho, ‘U si ke wa buka; nebana ni kuba mwa kezo, kuli ba be ni mulatu.’ Kono Ni li ku mina, yo kaufela ya talima musali ka ku mu lakaza u sa mu bukile kale mwa pilu ya hae.” Ki kushutana! U fitelezi kale mulao wa bune wani. Kono kana Na ba file Pumulo nji?

116 Ha lu boneñi sa na bulezi. “Davida naize, ‘Kasamulaho wa nako yetelele, ku ka ba Pumulo ye petehile isa taha.’” Mulimu a pumula kwa misebezi ya Hae, ka lizazi la busebene. Mulimu afuyola lizazi la sabata, mi a lifa kwa Majuda mwa lihalaupa, ka mukwa ona woo. Ne ba keni . . . bakeñisa ku sa lumela, kakuli Linzwi ne li si ka zwakiwa ni tumelo. “Mi hape, U toma lizazi leliñwi, uli biza cwana ku Davida, ‘Kasamulaho wa nako yetelele.’”

Myanda ya lilimo limo kasamulaho wa Davida kushwa, yena Mwana Davida uka zuha, ili yena Jesu, “Mi haiba ba ka utwa Linzwi la Ka, musike mwa itatafaza lipilu.” Mulimu u ka bulela kwa pilu.

117 Cwale mutalimele, kwa timana ya 9 cwale, ku mina ba basweli kubala. “Jesu na ka bafa pumulo,” timana ya 8, “Na ka . . . bulela lizazi lisili.”

118 Haiba nekuna ni kuba sabata, haiba nekuna ni kuba kubuluka Sunda, kona kuli Na ka bulela ka lona. Haiba Na bulezi kuli, “Cwale hokusana lisabata ni hanyinyani, hokusana kubuluka lizazi la busebene, se Ni bata kuli mubuluke ki la Sunda,” Na ka bulela cwalo. Paulusi na bulezi kuli Na bulezi. Na ka bulela kuli, “Mina kaufela mi lapelange la Sunda. Ki yona ye ka ba pumulo.” Kihande, haiba Na ka bata kuli ba buluke sabata, Na ka bulela kuli, “Muzwelepili fela ku buluka lizazi la busebene ona cwalo. Kono cwale Ni bata kuli mubuluke la Sunda, lizazi la bu eiti.” Batili. A si ka bulela cwalo.

119 U ize, “Haiba Jesu na ba file kale lizazi, kikuli Na si ke ku bulela ka lona?”

120 Cwale timana ya 9. Ha mu itukise.

*Ki fo he cwale ku sa siyezi pumulo kwa sicaba sa Mulimu, kubuluka lizazi la sabata kwa sicaba sa Mulimu.*

*Kakuli ya keni mwa pumulo ya hae (Kreste), ni yena u pumuzi kwa misebezi ya hae, sina Mulimu mwa ezelize ku ya hae, la sabata.*

121 Mwabona kana? Cwale ha lu ngeni Mañolo ni kuyemela sika se. Ku lukile. Mulimu ha na bupile lifasi mwa mazazi silezi, A pumula ka lizazi la busebene, mi a si ka beleka hape. Kufuyolwe Libizo la Mulena. Na yahile lifasi, abeya pupo ku lona, mi a yo pumula; mi ha si ka kutela kwateni hape, kuli ayahe lifasi lisili hape. Na felize misebezi, mi a yo pumula. Cwale, fa . . . Mi, kasamulaho wa lilimo ze sikiti zani, ki ha kutaha sibi; mi Kreste a to yemelwa, Ngunyana ya yemelwa. Cwale, Majuda ne ba filwe se kuba mufuta wa Pumulo ya lizazi la busebene.

*Cwale, u toma lizazi lisili, ulibiza ku Davida, . . . kasamulaho wa nako yetelele, kuna ni pumulo yeñwi ye sa taha.*

122 Cwale Pumulo yani ki sikamañi? Amu sikuluhele nina ku Mateu, kauhanyo ya 11, mi ni siemba sa mafelelezo sa kauhanyo ya 11 ya Muhalalehi Mateu. Fani kona Jesu fana feleza kutazo ya Hae fa lilundu, mi mu ka bona sa Na bulezi.

123 Na ize, “Yo kaufela ya talimela musali, ka ku mu lakaza, u bukile kale ni yena mwa pilu ya hae. Yo kaufela ya nyemela muhabo, kusina mulatu, u sa mu bulaile kale.” Ona lika ze kaufela, mi Na si ka swala fa mulao wa bune wani, wa sabata.

124 Cwale Wa feleleza. Mi Sabata ki Sepiso yetuna ya Mulimu. Ki Pumulo. Cwale, cwale mutalimele fa, ha Na felize ka za limbuyoti. Fa U bulela cwana, timana ya 27 mwa kauhanyo ya

11 ya Muhalalehi Mateu. Kwani, kwa Na luta limbuyoti mwa kauhanyo ya 5.

*Lika kaufela li beilwe mwa lizoho la ka, ku na ki Ndate: mi hakuna mutu ya ziba Mwana, konji Ndate; . . .*

Mwabona, haukoni kuziba alimuñwi kusina kuziba yomuñwi, kakuli Yena ni Ndate ne ba bonahalile mwa nama.

*. . . mane hakuna mutu ya ziba Ndate, konji Mwana, . . .*

<sup>125</sup> Kubonahala kuli sicaba ne si kona kubona Cwalo mi kusina kukanana. Luli. Mulimu ha ki Batu ba balalu. Haiba Ki Milimu yemi laalu, kona kuli lu mahedeni. Kanti Mulimu ki ufi? Kaufela zona, zetalu kaufela, Mulimu alimuñwi, ki liofisi zetalu za Mulimu ya swana. Nali yena Ndate, mwa mufuta wa Moya o Kenile, mwa Siita sa Mulilo sani mwa lihalaupa. Nali yena Mwana, ha Na itusisa ofisi ya Bwana. “Fa nako nyana lifasi halina ku ni bona; Ni ka zwa fateni. Ni ka kuta hape ni to ba ni mina, mane mwahala mina, kuisa kwa mafelelezo a lifasi.” Mwabona? Ki mwa Bushemi mwani, mwa Bwana, ni mwa Moya o Kenile, hape. Kaufela zona ki Mulimu fela ya swana mwa liofisi zetalu: Bushemi, Bwana, Moya o Kenile. Hakuna . . .

Joani Wapili 5:7 ibulezi kuli, “Kuna ni zetalu ze paka mwa Lihalimu: Ndate, Mwana, Moya o Kenile. Zetalu ze ki nto Iliñwi.”

<sup>126</sup> Tomasi ali ku Yena, “Mulena, u lu bonise Ndate.” Ku ka likana ku yena.

<sup>127</sup> Ki hali, “Ni bile nako yetelele ni mina, mbo ha u si ka Ni ziba?” Ali, “Ha u boni Na, u boni Ndate. Mi kiñi ha uli, ‘Lu bonise Ndate?’”

<sup>128</sup> Cwale, Buñwi ne bu lilwezi, buñwi bwa sikwata sa batu, ni kulika kuezwa Ndate, Mwana, ni Moya o Kenile, ki ofisi ilimu fela ni sibaka silisimu, mi sina munwana wa mina, ulimumu. Fo ku fosahalile. Mulimu na si ke ku . . . Jesu na si ke kuba Ndate ku Yena anosi. Haiba Na li cwalo, konakuli Na li ya . . . Kihande, na Ka ba cwani Ndate ku Yena anosi?

<sup>129</sup> Mi haiba Mulimu ki mutu, ya kauhani kwa Moya o Kenile, Na na ni bondatahe bababeli kanti. Kakuli Bibebe ibulezi cwana, kuli, “Moya o Kenile no apesize Maria mi a itwala.” Mi Bibebe ibulezi cwana, mwa Mateu 1:18, kuli, “yona nto ye itwezwi mwa mba ya hae ki ya Moya o Kenile.” Konakuli ndata He ki ufi kanti, Moya o Kenile kamba Mulimu? Zepeli, ki Moya o swana, kusi cwalo Na bile ni kupepwa kwa mwa bunyazi ka mioya yemibeli.

Yani ki tuto ya tumelo ya ba Katolika, mi yali kuba ibe tuto ya Bibebe. Martin Luther ki yena yana i patuluzi, hamoho cwalo ni za Bukatolika zeñwi zeli mwa kekeke ya ba Lutheran. Wesley alatelela mwa mulaho wa yona. Mi isa zwelapili, kono ki mafosisa. Ha ki Niti. Yali kuba ibe cwalo, yali kuba ibe Tuto ya

Bibele. Yali kuba ibe mulao ya mwa Bibele, ya kuluta Balimu babalalu.

Kuna ni Mulimu alimuñwi. Jesu naize, “U twa, Wena Isilaele, Ki na Mulena Mulimu wa hao, Mulimu alimuñwi,” isiñi Balimu babalalu.

<sup>130</sup> Mwa Africa, ba kolobeza hañwi ku Ndate, hañwi ku Mwana, ni hañwi ku Moya o Kenile. Mi cwale Mujuda ya zielehile utaha kuto bulela, kuli, “Ki ufi wa yoba yeli Mulimu wa hao? Ki ufi yali yena, Ndate, Mwana, kamba Moya o Kenile?” Ki bao, ba balalu kaufela, ki Alimuñwi. Bibele ibulezi kuli neli Alimuñwi.

<sup>131</sup> Jesu nali ndu ya na pila kuyona Mulimu. Bibele ibulezi cwalo—cwalo, Timotea Wapili 3:16, “Kusina *likañi*,” (zeo ki, “kukananisana”) “kunutu ya bumulimu ki yetuna. Kakuli Mulimu na bonahalile mwa nama, abonwa ki Mangeloi, a amuhelwa kwa . . . na bulezwi, alumelwa mwa, mi a amuhelwa mwa Kanya.” Mulimu neli yena yoo. Bibele ibulezi kuli, “Libizo la Hae li ka bizwa *Emanuele*, ha italuswa ki kuli, ‘Mulimu una ni luna.’” Bibele ibulezi, kuli, “Jesu, ku Yena ne ku inzi mutalelela wa Bumulimu ka mubili.”

<sup>132</sup> Sina mo ne lubezi ni zona busihu bobuñwi: Mulimu, kwa simuluhu, neli Moya. Mi cwale, kuzwa ku Mulimu, kwa zwa lumonyi lwa Logos, kamba mubili wa bungeloi, onoli mufuta wa mutu, o bizwa Mwana Mulimu, ku swanisezwa cimo. Na tile mwa lifasi, mwa mubili wa nama, mane A si ka taha kale ku Jesu Kreste. Cwale mu mize taba yeo kapili, muzwale. Ni ka mi bonisa zona.

<sup>133</sup> Mi, fani Mushe ha Mu bona. A bulela kuli, “Tuhela kuli ni bone sibupeho sa Hao, Mulena.” Mi Mulimu amu pata mwa licwe. Mi cwale ha Na fitile bukaufi, abulela kuli, “Neli mikokoto wa mutu wa muuna.” Wani neli mubili wa Bungeloi. Yeo luli ki niti.

Konakuli, ona mubili wa Bungeloi wani no na ni kuezwa nama. Isiñi Mutu usili, kono ki Mutu ya swana yana ti lo ba nama, kuli a zwise buhazo bwa lifu.

Sina muuka ha i luma, ya siyanga buhazo. Mi ne i si ka siya sani. . . Na konile kubeya buhazo mwa mubili wa mutu kakuli ki sibi. Kono, muzwale, ha na i lo luma mubili wa Emanuele wani, na latehisize mulomo wa buhazo bwa hae. Eeni, sha. Wakona ku fufa fufa kono haana mulomo wa buhazo ni hanyinyani.

<sup>134</sup> Ki kabakaleo, Paulusi, hane ba bata ku mu puma toho, ali, “Mawe wena lifu, bukai buhazo bwa hao? Wakona ku fufa fufa ni kutaza lilata mo batela kaufela. Libita, tulo ya hao ikai? Kono tumbo ibe ku Mulimu ya lufa kutula ka Jesu Kreste.” Ki fo he cwale.

Ne si ngile Mulimu Kasibili kuezwa cwalo. Na tile mi a bonahala mwa nama. A kutela hape mwa Moya.

135 Mu li, “Muzwale Branham, ha u si ka lu bulelela, kale, mi fani Mulimu ha na ezizwe nama A si ka ezwa kale nama kale mane A si ka taha ku Kreste.”

Fani Abrahamama hana inzi mwatasa yende ya hae, zazi leliñwi, kwa taha Mangeloi amabeli ni Mulimu, ana zamaile ku yena, mwa mubili wa nama. Neba na ni liluli fa liapalo za bona mi ne ba katezi, mi ki ha baina fafasi. Mi Abrahamama azwela kwande ku yo nga namani ku maa yona, ni ku ibulaya. Mi aeza mitambo ya namani yani. Azwela kwande mi anga . . . ni Sarah kuli ange bupi bwa mbonyi ni ku sefa kwateni, ni kubesa mañende a misima fahali. Mi aanga mafi kwa komu, ni kuhamula kwateni mafi. Mi a iisa kwani ni kuina fafasi, mi Mulimu a i ca.

136 Haleluya! Leo kona libaka, “Tumelo yaka italimela ku Wena, Wena Ngunyana ya Kalvari.”

137 Mu nahana kuli yeo ki nto yetuna ku Mulimu? Mulimu, Ya na ezize lika kaufela ni bo kalsiamu, ni lika kaufela mwa lifasi, Na ti lo potela Abrahamama. Na bulezi kuli, “U nahana kuli Ni ka kupatela zona, ka kubona kuli u muca sanda sa lifasi?” Amen. “Hanina ku ku patela zona.” Mulimu nana ni fela . . .

138 Lu bupilwe kwa likalulo ze lishumi ka ze silezi za lifasi. Na ngile fela potashi, ni kalsiamu, ni petroliamu, ni liseli la kozomik, ni “Whew!” “Kukena ku zani, Gabriele,” kena mwa mubili!

139 “Whew!” “Kena ku wani, Wormwood.” Na keni ku ona.

Mangeloi amabeli, na zwile mwa Lihalimu!

140 Mulimu na tulukile ni kunga zetala fela mwa lizoho, “Whew,” akena ku zona, yena Kasibili. A shetumuka, mi na lapile. Kufuyolwe . . . Ku cwani ka seo, mizwale ba Sabata baba sa ci nama? Lu ka fita ku zeo, fa nako nyana. Mulimu Yamata, Jehova, mubone haiba Libizo leliswana leo ha li si ka tolokiwa ka kuswana ni Lani la mwa sicacani sa mulilo! Haleluya!

Mi ha Na yemi fa lifasi, Na ize, “Mane Abrahamama asikaba teni kale, NITENI, Yena yaswana Yani kwa sicacani se si tuka.” Yeo ki niti, Elohim, mubone haiba ha li swani. Nali Yena mwa sicacani se situka.

141 Nali Yena fani fapila Abrahamama, mwa mubili wa nama, yana cile namani, ni kunwa mabisi a komu, ni kuca mafi ni mañende a masuba fahali. Kufuyolwe Libizo la Hae le li Kenile! A zamyia kulo kwani mi ali, “Hanina ku siya . . .”

Mi Na fulalezi mukokoto wa Hae kwa mulaho. Mi ali, “Abrahamama, Ni ka ku potela, mi uka pepa mwana. Fa se una ni myaha ye mwana ya kupepwa cwale, mi Sarah ki ze mashumi aketalizoho ka amane.” Mi Sarah, mwa tende, ali, “Ha!” aseha. Yena ali, “Kiñi sa sehile Sarah?” Kwa mulaho wa Hae; tende neili mwahala bona.

142 Abrahamama ali, “Sarah, kana u sehile?”

143 “Batili, Nali kuba.”

144 Ali, “Eeni, u sehile.” Ki mufuta mañi wa minahano ya mwa toho yeo? Ki mufuta mañi wa kubala milelo o cwalo?

U eza lika zeswana ni kacenu. Yena ki Jehova-jaire, Jehovara-  
rafa, ya swana maabani, kacenu, ni kuyakuile. Yena ha palelwi.

145 Ha mu Mutalime. Ki yani Uyemi fani. Azamaya ni kuambola ni Abrahamama; mi a likelela, mwa meeto a hae. Mi mushemi yomutuna Abrahamama ali na “ambozi ni yena pata-ni-pata ni Mulimu, Elohim,” yena Mulimu ya swana. Mwa utwa nji? Ha ki Batu babalalu, muzwale. Lifofisi zetaalu za Mutu ya swana!

146 Kwa simuluho nekuna ni ya swana, Na liyena Moya o mutuna wani, Liweluwelu koo niti kaufela, lilato kaufela, kozo kaufela. lika kaufela ze neli ze kenile nelili mwa Liweluwelu le. Za kala kubupa mubili, wa bungeloi, mufuta wa mubili o lu ya ku ona. Isiñi mubili o filwe kanya, kono mubili wa bungeloi, cwalo; ona ni sibupeho, mufuta.

147 Nako kaufela ha Ni bona kota, Ni nahana kuli, “Kota yani ki ya siemba sa muluti fela. Kuna ni ya niti kokuñwi.” Kota yani kuna ni ko ipangilwe ko izwile. Ki ngana yeñwi ye ibupile. Mi ona lifasi le kaufela ze lieza ki kubonisa fela za Lihalimu. Bibe le ibulela cwalo. Mi haiba kuna ni kota fa yena ni kushwa, kuna ni yeñwi mwa Kanya ye si ke ku yo shwa.

148 Ha Ni bona muuna, Ni bona babanyalani sanana, muuna ni musala hae, ba zamaya mwa mukwakwa, balatiwa hamho, si bonisa sikamañi? Kufuyolwe Libizo la Mulena! Kuna ni babali mwa Lihalimu babasike kushwa. “Haiba tabernakele ya lifasi ye isinyeha, luna ni iliñwi ye libelezi, ya bungeloi.”

149 Konakuli munge za bulalu bwa bumulimu: ni Moya o mutuna, opila ku Mwana, Jesu; Jesu inza pila mwa Keleke. “Ka zazi lani, mu ka ziba kuli Ni ku Ndate, ni Ndate u ku Na, ni Na ku mina.” [Hakuna manzwi fa tepu—Mu.] Kaufela zeo Mulimu nali zona, U li sululezi ku Jesu; kaufela zana li zona Jesu, U li sululezi mwa Keleke. Ki fo he cwale. “Na ku Ndate, mi Ndate u ku Na; Na ku mina, ni mina ku Na.” Ki wo—ki wo Mubili.

150 Bwani kona butata bobuli ni keleke. Ba lutilwe litaba zenyinyani zesina tuso, za kusa izeza ngana, tuto ya mucembele wa musali cwalo, ya kumata mata ni kuba ni mulaleo wa lico zende ni makadi a mikiti. Ki kabakaleo luna ni sishañata sa kulyangana sina se luna ni sona. Halu tokwi litukiso za banana ni milalelo ya lico zende. Se lu tokwa ki Evangeli ye halifile ya kale, ni baana ba tumelo babana ni mukwale o comohile kubona, ni ku silaha. Ze lutokwa kacenu, ha ki tuto yeñwi ya za bulapeli ni ya litumelo zeñwi zaipangezi mutu mwa butali bobuñwi. Lu tokwa Evangeli ye halifile ikutazwe mwa Liseli ni Mata ni ponahazo ya Moya o Kenile.

151 Mulemuhe fa cwale.

Sina ha bulezi, *u tomile lizazi lisili, u li biza ku Davida kuli, . . .*

*. . . haiba Jesu na ba file pumulo, . . . na si ke a bulela . . . hape ka lizazi lisili.*

*Kono ku sa siyezi . . . pumulo ya sicaba sa Mulimu.*

*Kakuli ya keni mwa pumulo ya hae, . . . u pumuzi kwa misebezi ya hae, ni Mulimu mwa pumulezi ku ya hae.*

<sup>152</sup> Mi cwale lu ka bala kai? Mateu, fa twenti- . . . Kauhanyo ya 11, timana ya 27.

*Lika kaufela zeo Ndate a ni file, li filwe kuna ki Ndate, nitaluse: mi hakuna mutu ya ziba Mwana, kono konji Ndate; (Ku lukile.) mane hakuna mutu ya ziba Ndate, kwanda Mwana, mi ni ku yo kaufela Mwana aka mu patululela.*

<sup>153</sup> Mwabona, ha ki buñata bwa lika ze mu ituta, buñata bwa—bwa za bata bishopu kuli mu zibe. Ki buñata bwa zeo Mulimu abata kuli mu zibe. Haiba hamuboni Sinulo ye, musike mwa buza bishopu. Mubuze Mulimu. Musike mwa buza mulisana wa mina. Mubuze Mulimu. “Mwana wa Mu patulula,” *Yena, tulokandina twa mutu.*

<sup>154</sup> Muteeleze. Se si ka mi komokisa. ki ye taelo. Paulusi naize, “Haiba Na ka siya lizazi leliñwi, Na ka bulela ka lona.” Kono ki se fa sa Na bulezi.

*Mutahe ku na, mina kaufela baba katezi ni baba imezwi, mi Ni ka mifa sabata, pumulo.*

*Mu lwale koko yaka, mi munitute ku na; kakuli Ni na ni musa mi ni ya ishuwile mwa pilu: mi muka fumanela mioyo ya mina sabata.*

*Kakuli koko yaka haina bukiti, ni mutiyo waka u bubebe.*

<sup>155</sup> Mubone sa bulela Paulusi.

*. . . haiba Jesu na ba file kale pumulo, . . . na ka bulela ka lizazi leliñwi.*

*Kono u tomile . . . lizazi, la bulela ku Davida, . . . kasamulaho wa nako yetelele hahulu; . . . ha mu utwa linzwi la hae, musike mwa itatafaza lipilu.*

“Mi ku sa siyezi . . .” Muteeleze cwale, timana ya 9.

*Ku sa siyezi hape pumulo, sabata, kwa sicaba sa Mulimu.*

*Kakuli yena, ibe muuna kamba musali, yasa keni mwa pumulo ya hae . . .*

“Mutahe ku Na, mina kaufela baba katezi ni baba imezwi. Ni ka mifa pumulo.”



*. . . u pumuzi kwa misebezi ya . . . hae, sina Mulimu mwa ezelize ku ya hae.*

<sup>156</sup> Wakona kuba wa lilimo mashumi amabeli za kupepwa. Hakulata u wa lilimo ze mashumi amalalu za kupepwa. Hakulata u bile ni lilimo ze mashumi aketalizoho za kupepwa. Kono ona muzuzu o utwa Linzwi la Mulimu ha li ngongota fa pilu ya hao, usike wa tundana. Fohe ki kukena. . . “Ya utwa Manzwi a Ka, mi alumela ku Ya Ni lumile, una ni kamita, Bupilo Bobusafeli, mi haana kutaha mwa katulo kono sa zwile kwa lifu ukeni mwa Bupilo.”

<sup>157</sup> “Muli, Muzwale Branham, kuezahala sikamañi?” Ha u amuhela Moya o Kenile. Kreste utaha ku wena. Kana ku cwalo?

<sup>158</sup> Ha mu apule hamoho nina ku Isaya, kauhanyo ya 28, mi ha lu baleni. Isaya, kauhanyo ya 28, mwabona sa na bulezi mupolofita ka zona. Mateu. . . 28, kukala ka timana ya 8. Ki bo butata bwa mazazi a mafelelezo. Lu lukela kukwala mwa muzuzu.

*Kakuli litafule kaufela li ka, tala fela mataza mi . . . hakuna sibaka se si kenile.*

<sup>159</sup> Haluboni ni yeme fa nako nyana. Sina Ernie ha na bulezi busihu bobuñwi, na sweli kubulela ku mutu yomuñwi. Ernie Fandler, muzwale yo fa yazwa kwa Switzerland, na bulezi kuli, “Ne ni yemi ni kutuhela kuli likene mwahali.”

<sup>160</sup> Ni bata kuli se si nwele hande.

*. . . hakuna sibaka se si kenile.*

*Kakuli litafule kaufela litezi fela mataza . . .*

*Mi sina nja ha i kutela kwa mataza a yona . . . ni sina kulube . . . kwa sileze sa yona, kona ni sicaba mo si fetuhezi.*

<sup>161</sup> Ki butata mañi bobuli ni mina ba Methodist? Ne mubanga ni Liseli. Ki sikamañi sene si ezahalile? Mulimu na Li zwisize mwa lizoho la mina, A Li fa kwa ma Nazarene.

Ki sikamañi se si ezahalile ku mina ba Nazarene? Nako yeñwi mukile mwaba ni Liseli. Mulimu a Li zwisa mwa mazoho a mina ni ku Li fa ku ba Pentekota. Kulukile. Mi ba puteho ya church of God ni mina babañwi ba ba siyezi ba sicaba sa holiness, kakuli muhanile Liseli, mu ikopanyize ili mina ni kubulela kuli, “Haluna kulumela zeñwi hape kufita zee,” Mulimu a zwelapili kuya ni ku mi bonisa kuli Na na ni sicaba sene si ka Mu latelela.

<sup>162</sup> Ki sikamañi se si ezahalile ku mina ba Pentekota? Ne mu banga ni Liseli. Mulimu u Li zusize ku mina.

Siita sa Mulilo si zwezipili ku zamaya. Nako kaufela Siita sa Mulilo ne si zamaile, Keleke ne i zamaile ni Lona.

Mi cwale Luther ha na ongaongile, kuzwa mwa keleke ya Katolika, keleke ya hae tota, Siita sa Mulilo sa shimbuluka mi Wesley azwelapili ni Sona.

Wesley a ongaonga ni kubupa kopano ya hae, mi Siita sa Mulilo za shimbuluka mi ba Nazarene ba ya ni Sona.

Ba Nazarene ba ikongakonga, mi ba church of God ba ya ni Lona; mi ba bulela kuli ne si kopano, kono nebali cwalo.

<sup>163</sup> Mi cwale ki sikamañi se ne si ezahalile? Nto yetatama ya ezahala, ba Pentekota ne ba boni Mulilo, mi ba ikela kusili. Mi ki sikamañi se ne muezize? Ba eza tuto mwa malimi, ni ku ikongakonga, “Zazi ni zazi ne ba bulela mwa malimi ba si ka amuhela kale Moya o Kenile,” mi Mulimu a ya ni ku mi siya fo ne muinezi ona fani.

<sup>164</sup> Ki sikamañi se si ezahalile kuba Oneness? Mu fumani kolobezo, ka Libizo la Jesu. Mwa eza tuto ku yona, mi mwa ikauhanya ku Yona, mi Mulimu a mi siya mwali kuina ona fani. Kulukile.

<sup>165</sup> Ki sikamañi se si ezahalile ba Assembly of God, Katengo Kakatuna kakale? Mwa eza kopano ku zwa mwahala mina, mi Mulimu aikela ni ku mi siya mwali kuina cwalo. Mi cwale ha mu sesiñwi kwanda sikwata se si bata, sishañata fela sesi swana sina bona kaufela.

Mi Siita sa Mulilo sa zwelapili kuzamaya. Haleluya!

*. . . litafule kaufela litezi fela mataza . . .*

<sup>166</sup> Mutalimele fa Mulalelo wa Mulena. Kiñi, neba ezize. . . Ne nili mwa sibaka ko ne ba komauna sinkwa sa kale. Mi sinkwa si lukela ku ezizwa sinkwa sesisina mumela. Mi ba si fa kwa baezalibi, bazubi ba makwai, macanci, mahule, haibile fela bana ni libizo la bona mwa buka.

<sup>167</sup> Ni mina ba Baptist mane mwa li biza kuli “likwalilwe” kutwano. Cwale, mina ba Baptist muhohobile hanyinyani, Mulimu uka mi zwiwa muhuwo wa mununa wa mina. Yeo luli ki niti, hamuna ku kona i liza. “likwalilwe” kutwano, mu ikauhanyize ili mina, mu bonahalile kukena kufita mo mu inezi.

Muhupule, ki ki tabernakele ya Baptist. Zeo kona ze mu fumana, mu ikongakongile ili mina. “Oh,” mu li, “ha lu si ka ikongakonga.” Eeni, mu cwalo. Kaniti, mu cwalo. Mu li, “Luna lu puteho.” Eehe, ku ya taha kaufela mwa munyako ni kuluta feela ka mo mu lumelela, ku lukile. Kono, pili, ha—ha hamuna ku mu kasheza kwande, kono muka mu leleka kuzwa mwa sizwalo sa mina. Yeo luli ki niti. Oh, muna ni mukwa wa kueza ka ona. Kona ni Mulimu mwa bezi ni nzila mwa kuezeza ka yona. Kono Keleke ya Mulimu ika zwelapili kupila. Siita sa Mulilo hasina kuyemela seo.

*. . . litafule kaufela litezi fela mataza . . .*

<sup>168</sup> Cwale muteeleze. Cwale se si ka mi kakamalisa. Muteeleze. Ni ka bala Linzwi. Neli mañi yoo? Ki Mupolofita, Isaya.

*...litafule kaufela litezi fela mataza...kacwalo  
hakuna sika se si kenile, ki nja fela yeca za nja.*

169 Hamutaha kwa keleke: basali ba pumakela, kwateni milili ya bona, batina tuputula, ha muzwela kwande mu yo bona baana ba zamaya mwa mukwakwa; ba ngwenjula lwanda fa lapa, basizana ba banyinyani ba bata kutaza lilata singe nja kamba kuliza muloli wa luwawa, kaufela seo sili sona, mwa ziba, “Whet-whew!” Oh, u nahana kuli u yomunde, nji cwani?

170 Mi mina baana ha mu zamaya mwa mukwakwa, ni kwai mwa mulomo wa hao, ni dikoni fa musebezi. U bonahala inge komu ya singungunya ya mwa Texas. Mi wena u nahana kuli u sesiñwi. Yeo ki niti luli. Ki kabakaleo litafule kaufela . . . Mu taha ku to ca mulalelo, ni kuezza sina mutu wa ngana, mi mwa uzwa ni kupuma, mwahala sunda mutumbi. Ki butata mañi bo buli ni mina?

*...litafule kaufela litezi fela mataza... .*

171 “Oh, Na amuhelanga Mulalelo wa Mulena. Luli, lwa li ezanga mwa keleke ya luna. Jesu naize Uka lu zusa ka lizazi la mafelelezo haiba lu amuhela Mulalelo wa Mulena.”

172 Kono, “Ya ca ni kunwa isi ka swanelo, u icela ni kuinwela katulo ku yena, a sa lemuhi Mubili wa Mulena. Kabakaleo babañata ba kula mi ba fokola mwahala mina, mi babañata ba shwile,” kusupala, kushwa, likeleke za sihalihali. Moya wa Mulimu u zwile ku mina. Siita sa Mulilo ha si sa li yo mwateni nihanyinyani. Mu latuzi foliso ya Bumulimu. Mu latuzi zuho.

173 “Oh,” mu li, “oh, Na zuhile kwa bafu, ki za kale.” Kihande, kucwani he Yena haaba ya swana ni kacenu, haiba Na zuhile kwa bafu? Mu li, “Oh, zeo ha li cwalo.” Cwale, ki fo he. Muna ni zuho mo mu ibatela, mi Mulimu una ni yona mwa I batela.

174 Kono, taba yatani ki kuli, Bibeke ibulezi kuli, se lu ziba kona Niti, kuli Na ka paka Linzwi. “Mi lika ze Ni eza mu ka li eza ni mina. Mi Ni kaba ni mina kamita, kuisa kwa maungulo a lifasi.” “Jesu Krete ki ya swana maabani, kacenu, ni kuyakuile.” Cwalo kona mo li bulelela Linzwi.

175 Cwale sabata ki sikamañi?

*...litafule kaufela litezi fela mataza...hakuna ya  
kenile.*

*Ki mañi ya ka mu luta butali?*

Isiñi butali bwa lifasi; ki butali bwa moya!

*Ki mañi yo aka luta butali? . . . U ka konisa mañi . . . ku  
utwisisa tuto?*

176 “Oh, kufuyolwe Mulimu, kopano ya luna ha ilumeli ku Zeo. Habakoni ku lumelana ni Zona.” . . .hakuna taba ka se ilumela kopano ya mina. Kana Linzwi la Mulimu li bulela sikamañi sa zeo? “Oh, kihande, mulisana wa luna, wa ziba, u itutile.” Oh,

luli. Kaniti, una ni tuto yeñata hahulu, ba siya Mulimu kwande a zona. Kaniti, kakuli mwa kona ku ba bulelela Linzwi mi ba ka zamaya zamaya fela ni kubulela kuli, “Kihande, Ha ni Li lumeli fela ka nzila yeo.” Oh, wena nto yesina tuso ya sisali! Halubone ni ku bulelele.

177 A mutalimele kwanu.

*...ki mañi ya ka...luta tuto? baba kwa kuzwa kwa mazwele, mi...ni baba kwiswa kwa mabisi, ni ku zwiswa kwa mazwele.*

178 Ka zazi leliñwi, muyaha tuko nina a taha. Mi ali, “Billy, mulisana yomuñwi cwana wa mwa munzi, mutu yomunde ya latiwa hakalo ku be nikile ba bona fateni...” Ali, “Musala ka ni Na neluinzi ni ma pajama cwalo, mwendi mwahala busihu, mi yena mulisana yomunyinyani yani akena mwahali mi a—a—a nwa kofi ni luna mi a isa yeñwi ku bo buyaha mabapa ni yena, mi a swalana mazoho ni bona. Nebana ni papali nyana ya makadi, mi aina fafasi ni kubapala makadi ni bona.” Bali, “Oh, nali mutangana wa lisheha hahulu ku be mukile mwa bona fateni.” Bali, “Oh, lwa mu lata. Ne lu si ke ku mu hana bakeñisa yomuñwi.”

179 Na yema fani hanyinyani, Na hupula kuli, “Kihande?”

180 Bali, “Oh, kana ha u boni keleke kaufela itokwa mutu ya swana sina yena?” Huh! Ne ni palezwi kwalaba yani. Mi ali, “Mwa sibaka sesiñwi,” bali, “nebana ni sibaka sesinde hahulu. Mukutazi yo ni musala hae, sicaba se si lateha, ba yo talima za banana hahulu kufitela hane babile ni—ni sikolo sa Bibebe.” Mi bali, “Neba ni fela zeñata, neli kuikola lika zeñata ni babana luli.” Bali, “Mawi, wakona kubulela makande kaufela amanyinyani kwa bana babanyinyani.”

181 Se nili, “Zeo ki zende. Zeo ki zende maswe.”

182 Na kutela kwa mulaho. Kona ni sa zo zwa fela kwa Canada. Na hupula kuli, “Kina Yo. Mawi! Sicaba...Ki butata mañi bobuli nina? Ha ni ezangi cwalo.” Na yo tapisa mota yaka. Na hupula kuli, “Mulimu, Se ni ya ni supala, mi ki Na yo fa. Ni lwanile. Ni lilile. Ni kupile. Mi sika kaufela se Ni fumana ki bunyefuli bobutuna.”

183 Sika kaufela, mutu abulele se si maswe ka mina, “Oh, mupikuluhu ya kenile wa kale,” nto yeñwi ye cwalo.

184 Na hupula ka zeo. Mi Linzwi la taha ku na, lali, “Batu bani ki babande haiba ba eza cwalo, kono Hani si kami bizeza kueza zeo. Ni mi bizelize kulwala Mukwale ni kuyema sina Joshua ni kulwana, muzwale. Musike mwa ikeza bulikani ni katengo kakañwi kamba kopano yeñwi ya keleke, kono ki kulwanisa diabulosi. Muyeme kwapili a ndwa, mueze bunde kuba bunde, ni bumaswe kuba bumaswe. Mukutazi Linzwi mi mufumane ya na ni tumelo ya ku Li lumela. Mu li beya fela faale.”

<sup>185</sup> Ni lukela ku matisa mota yani, nako kaufela, ku yo tapisa. Se nili, “Ni itumezi, Mulena. Ni itumezi, Mulena.” Na utwa hande ona fani. “Kaufela li lukile, Mulena, Ni ka li swala katata nyana, mi Ni bata kushwa ni Lona mwa lizoho la ka.”

...ki mañi ye Ni ka luta butali? (Muteeleze.)

...litafule litezi fela mataza...

...baba kwiswa kwa mabisi, ni ku zwiswa kwa mazwele.

Cwale hamu bone.

*Kakuli mulao sina hauli fahalimwa—fahalimwa mulao, mulao fahalimwa mulao; . . . mubamba fahalimwa mubamba; fa hanyinyani, ni fani hanyinyani:*

*Kakuli ka milomo ya sikukuma ni ka malimi asili Ni ka bulela kwa sicaba se.*

*Ku yena ku i zwe, Ye kona sabata ko mu ka katulusa baba katezi; . . . ye kona pumulo: kono niteni ha ba si ka utwa.*

*Kakuli linzwi la MULENA ne li tile ku bona (Kuna ni yana Li kotalize.) mulao fahalimwa mulaho, . . . fahalimwa mulaho; mubamba fahalimwa mubamba, . . . fahalimwa mubamba; fa hanyinyani, ni fani hanyinyani; kuli ba zamaye, mi ba kutele mwa mulaho, ni ku nyandiswa, ku swaliwa, ni ku hapiwa.*

<sup>186</sup> Pumulo ki sikamañi? Kana Pumulo neitile lili? Fani sicaba hane si bulela ka malimi asili ni kuba ni malimi a sikukuma. Malimi a sikukuma; ne ba si ka bulela sika. Neba kukuma. Ne li ezahalile lili? Ka Lizazi la Pentekota, fani Moya o Kenile ha utaha. Yeo kona Pumulo: ona Moya o Kenile. Jesu naize, “Mutahe ku Na, kaufela mina baba katezi ni mitiyo yebukiti, mi Ni ka mifa Pumulo. Ni ka mifa Bupilo, Bupilo Bobusafeli,” Zoe, Bupilo bwa Mulimu kasibili. Mulimu uka taha ku mina mi abe siemba sa mina. Uka mi fa kukepwa ni ku mi eza mwana wa mushimani ni wa musizana.

<sup>187</sup> Cwale mutalimele. Yani neli pumulo ya bulalu ya Na ba file. Ya pili: Mulimu na i amuhezi, kuzwa kwa musebezi wa Hae. Ya bubeli: Isilaele ya i amuhela, mwa mulao. Ya bulalu: Keleke ya I amuhela, kuba siemba sa Mulimu.

<sup>188</sup> Bulalu ki nombolo ya bupilo. Ki ba bakai baba ziba cwalo? [Kopano ili, “Amen.”—Mu.] Nako kaufela ye mubona bulalu, ki bupilo. Mulemuhe, fani Mulimu ha na bupa lifasi, ka lizazi la bulalu neli bupilo. Ki ba bakai baba ziba cwalo? [“Amen.”] Lizazi la bulalu. Ne ku tile bupilo ka lizazi la bulalu la pupo.

Ni silalu: haili Ndate nali fahalimwa sicaba, mwa Siita sa Mulilo; haili Mwana neli Mutu, Yana bulela kwa sicaba ni ku ba

lukisa; haili Moya o Kenile neli muhato wa bulalu, wonoli ona Moya o Kenile, Mulimu mwa sicaba. Bupilo! Ndate, Mwana . . .

Ili pumulo, ya Mulimu; ili pumulo, ya Isilaele; mi ni Pumulo, ya Keleke, kubuluka kwa sabata.

<sup>189</sup> Kacwalo, haiba wa li kuba u amuhele Moya o Kenile, fateni, hausika kena kale mwa Pumulo ya Mulimu. Ha u lukeli kubulela kuli, “Oh, Hani koni. Ni bata ku zuba. Hani—Hani koni ku eza cwalo; Ni Mukreste. Na luli ha ni lati kunwanga, kono Ni Mukreste. Fela ha nikoni, hani lati kunwa, kono niteni Na lata kuezanga cwalo.”

<sup>190</sup> Haiba u lakazanga basali, haiba u eza lika ze si za bumulimu ze kaufela, konakuli ha u si ka fita kale mwa Pumulo yani haisali. Wali kuba ukene mwa Pumulo ya hao.

<sup>191</sup> Ha u keni mwa Pumulo ye, u ka tuhela kwa misebezi ya hao ya lifasi, sina Mulimu mwa na tuhelezi ku ya Hae. Kiñi? U siemba sa Mulimu. Wa pumula, Kuyakuile. Ki fo he cwale. Yeo kona Sabata. “Mutahe ku Na, kaufela mina baba katezi.”

*Kacenu, u tomile lizazi leliñwi, . . . kasamulaho wa nako yetelele, ku Davida; . . . ha mu utwa linzwi la hae, musike mwa itatafaza lipilu.*

<sup>192</sup> Linzwi li liliñwi fela kamba amabeli fa, lu ka kwala.

*Kakuli ya keni mwa pumulo ya Kreste, . . .*

*Mutahe ku na, kaufela mina baba imezwi ni . . . mitiyo ye bukiti . . .*

*. . . mu pumuzi kwa misebezi ya mina, sina Mulimu mwa pumulezi ku ya hae, ka lizazi la busebene.*

Ya mina ikona kuba ka lilimo ze mashumi amalalu, silimo sa mashumi amane, silimo sa mashumi aketalizoho, seo kaufela sili sona. Mu pumuzi kwa misebezi ya mina, sina Mulimu mwa pumulezi ku ya Hae, Kuyakuile. Ha mu sa tabela lika za lifasi. Lifasi li shwile ku mina.

<sup>193</sup> Cwale timana ya 11 cwale, katokomelo.

*Ha lu akufeni ku kena mwa pumulo yani, (isiñi ye, isiñi ye, kono Ye), kakuli mutu aka suhana awa ka kusa lumela kokuswana.*

<sup>194</sup> Ki sikamañi seo? Siita sa Mulilo siteni fa. Lingeloi la Mulena liteni ni luna. U eza lika zende luli za Na bulezi kuli Uka li eza. Mi sicaba sa sitatala, mi sali, “Oh, kihande, Ni sepa kuli Li lukile. Sani ki sesinde luli. Oh, Ni sepa kuli Ku lukile.” Mutokomele kuli musike mwa wela mwa kalaba kakaswana ka ku sa lumela. Mu Li lwale ka lipilu za mina kaufela.

<sup>195</sup> Hamubone.

*Kakuli linzwi la Mulimu (isiñi tuto ya keleke) . . . linzwi la Mulimu li buhali, lina ni mata hahulu, . . . libuhali kufita mukwale o lozizwe kwa ni kwa,*

(amuteeleze), la taba *mane...kupunya ni kwa makauhanelo a moyo, ni moyo, ...makopanelo a masapo ni mooko, mi...* (muteeleze), *mi li lemuha milelo ni maikuto a mwa pilu.*

Neli sikamañi sani? Moya o Kenile wakona kutaha ni kubulela kuli, “U ezize sina sa *kuli-kuli*. Mi uezize se ni *sani*. Una ni butuku bo bu *cwana*, ni *cwana*. Haiba u ka ni folisa ku bo, uka eza cwalo ni ku *bwani*.” Mwabona? Lilemuha milelo.

<sup>196</sup> Mi sicaba sani, “Seo ki sikamañi? Kiñi, ki kuakaleza kwa minahano. Kiñi, ki...Ki mulauli wa munuhi.” Mwabona se Ni talusa? Ki lifasi le limaswe, la kale la bunyazi le li sa zibi Mulimu.

<sup>197</sup> “Ki libuhali, litiile, lina ni mata hahulu kufita mukwale o lozizwe kafa ni kafa, mi li lemuha milelo ni maikuto a mwa pilu.”

Cwale, ki sikamañi se si ziba milelo ya mwa pilu? Mulimu. Mu bulezi, “Kihande, Bibebe ibulezi kuli, ‘Ki Linzwi la Mulimu.’” Linzwi la Mulimu ki Mulimu.

*Kwa simuluho nekuna ni Linzwi, ...mi Linzwi nali ni Mulimu, mi Linzwi neli Mulimu.*

*Mi Linzwi la ezwa nama, mi la to yaha mwahala luna, ...*

<sup>198</sup> Mulumiwa lemuhanaga milelo. Abrahamama mikokoto wa hae no sikuluhile, mi—mi kacwalo Mulimu na sikululezi mikokoto wa Hae kwa tende. Mi Sarah a seha. Mi Mulimu a sikuluha, ali, “Ki sikamañi sa sehezi Sarah?” Ki Mulemuhi wa milelo ya mwa pilu! Ni bata kuli seo si nwele nyana.

<sup>199</sup> Mi cwale bulumiwa bwa mufuta wani ha bu taha, bwa na sepisize Mulimu mwa lizazi la mafelelezo, ki sikamañi se si ezahalile? “Minahano ya mwa toho.”

<sup>200</sup> Hanili ne ba bizize Mulena, Kasibili kuli, “Baalezebubi”? Mi ali, “Haiba ba bizize Muñaa ndu kuli ‘Baalezebubi,’ kana ba ka biza cwani balutiwa ba Hae?”

<sup>201</sup> Na mi lata. Si bonisa kuli mwa tokomela hande lika, hamu lukeli kutaha mwa muyaho ona ni lifukiso za moya o bata ku to utwa Evangeli. Muna ni tala yeñata hahulu kuli mutahe mwa sibaka sina se. Mulimu hakoni ku lu lumeleze kuyaha nto isili kwanda ye. Lwa ilata mo iinezi cwana. Ki sitebule sa kale fela, kono kona mo lu ilatela ona cwalo. Mulimu hapili mwa lika ze benya benya. Mulimu upila mwa kuishuwa. Lwa ilata haili ona cwana. Lu ba ba tabile halunze lutahanga, ni mina mutabile, luli, ku to ina mwa—mwa sibaka sina se. Hakuna taba kamba si cisa cwani, kamba mu fufulelwa cwani mwa suti yamina yenca, ndelesi ya mina yenca, seo ha si ezi shutano ni yekana.

Musweli kuteeleza kwa Bupilo Bobusafeli, kwa Linzwi la Mulimu le li ziba milelo ya mwa lipilu za mina. Siita sa Mulilo sene si lepelela fahalimwa bana ba Isilaele, sa lepelela mo busihu

boo. Ne kona ku si bulelela: hakuna mutu yakona kuyema mo mwatasa mata a Moya o Kenile kusina Mulimu ya ka mu sululela lika kuli Mulimu a mu bulelele sali sona. Yeo ki niti. Ki fo he cwale.

<sup>202</sup> Ki sikamañi Seo? Ki sikamañi Seo? Ki Moya o swana o no zamaisize Bana ba Isilaele kuya kwa pumulo ya bona, mi ba wa bakeñisa ku sa lumela. Musike mwa wa. Ye ki kolo ya mafelelezo. Ndate, Mwana, ni Moya o Kenile, Bupilo butaha kufitela ona mwani.

<sup>203</sup> Kutapiswa, Martin Luther, isali mufuta wa bulapeli. Kukeniswa. . . Martin Luther; John Wesley; kolobezo ya Moya o Kenile, Bupilo. Kutapiswa, ki kulumela; kukeniswa, ki ku kenisiwa; Moya o Kenile, ki kutaziwa, Bupilo. Isiñi mwa lusika lwa ba Lutheran; nebana ni Ona mwa mufuta fela. Isiñi mwa lusika lwa baha Wesley; nebana ni Ona mwa mufuta fela. Kono lo ki lusika foo Moya o Kenile ha utile, ona Kasibili.

<sup>204</sup> Mi haiba ma mu si ka U amuhela kale, mukona cwani, mwakona kulumela limakazo? Seo si lwala Mulimu, ku mina, kuli mulumele. Mu eza sina Mulimu. Mu ziba sina Mulimu. Mu nahana sina Mulimu. Bibeke ibulezi kuli mu mwa bunyinyani, “balimu” babanyinyani. Jesu na bulezo ona cwalo. Kakuli, mu siemba sa Mulimu.

Kuswana fela inge mo Ni bezi Branham yomunyinyani, mi ha u yomunyinyani kamba u mañi kaufela, mi kakuli bashemi ba mina ki lona libizo leo. Sibupeho seo muli sona kikuli bashemi ba mina ba cwalo, kakuli mu pepilwe ki bona.

Mi libaka le mu lumelela Mulimu, ni kulumela mwa limakazo, ni lisupo ni ze komokisa, kakuli mu bana ba bashimani ni basizana ba Mulimu. Mu amuhezi Bupilo. Bupilo butaha ka nako ya bulalu. Ku lukile.

<sup>205</sup> Mi Jesu hana ile kwa lilundu, kai kaufela kwa Na ya, Na yanga ni Pitrosi, Jakobo, ni Joani, lipaki zetalu. Bulalu ki nombolo ya Bupilo. Mwa utwa kana? [Kopano ili, “Amen.”—Mu.] Lilato, tabo, kozo.

<sup>206</sup> Cwale, haluyeni kapili cwale kwa mafelelezo a kauhanyo, kapili, halunze lu bala.

*Kakuli linzwi la Mulimu li buhali, lina ni mata hahulu. . . lifita mukwale o lozizwe kafa ni kafa, . . . mane li lemuha mihupulo ni maikuto a mwa pilu.*

*Mane hakuna nihaiba sibupiwa sesiñwi se si si ka bonahala fapila hae: kono lika kaufela li. . . kwaluhezi fapila meeto a yeluna ni kuikalabela.*

<sup>207</sup> Muzwale, hakuna nzinzi yekona kunata fa musumo wani, Yena a sa zibi ka yona. “Lika kaufela li kwaluhile.” Muzwale, U ziba lika kaufela ze mukile mwa eza fateni, muhupule kaufela



omukile mwa hupula fateni. Kona seo Ali sona. Lu Mu lumela kuba ona cwalo.

Mi cwale Mulimu ha kena ku luna, ni ku lu beya mwa Keleke, U beya limpo ni lika zeñwi mwa Keleke, ku to beleka mwa Butu bwa Hae. Haiba Mulimu ki yena Mulimu ya sa palelwi yani, kona kuli Wa folisanga bakuli. Wa kona kuzusa bafu. Wa kona ku kenisa ba mbingwa, ku tonisa meeto a libofu. Wa kona kufa lipono. Wa kona kueza lika za mifuta ye kaufela, inza beleka mwa Keleke ya Hae, kakuli ki Mulimu mwahali ku mina. Yeo kona Keleke.

<sup>208</sup> Kana keleke yani iba cwani Keleke, ka kuikoanya ku Yona nji? Batili, sha. Ka kuswalana mwa mazoho nji? Batili, sha. Ka kolobezo ya mezi? Batili, sha. Ka bumembala nji? Batili, sha. Zeo muba cwani ni Zona? “Kakuli ka Moya ulimuñwi luna kaufela lu kolobelizwe mwa Mubili ulimuñwi.” Ki fo he cwale.

<sup>209</sup> Maroma 8:1.

*Mi cwale hakusana katulo ni yekana . . .*

“Hakuna katulo ya lifasi.” Hakuna se ba kona ku mi tameleza.

*Mi cwale . . . hakusana katulo ku babali ku Kreste Jesu, baba sa zamayi ka nama, kono bazamaya ka Moya.*

<sup>210</sup> Ki fohe cwale. Cwalo kona mwa ku atulela Bukreste bwa mina. Cwalo kona mwa kuzibela kuli mukeni mwa Pumulo yani, lifasi halisa mi kataza ni hanyinyani. Kaniti. Ha mu li bona, muzamaele kwahule ni lona. Muna ni nto yeñwi yende ya kunahana ka yona. Ki fo he cwale, “Hakuna katulo.” Cwalo kona mo lu kenela mwa Mubili wani.

<sup>211</sup> Mi mu silelelizwe, “Kuyakuile.” Bibebe ibulezi ona cwalo. Mutalimele mwa Maheberu mo, kauhanyo ya 10. Mi ili:

Kakuli ko kuna ni fiwa lipoho ni litabelo, *kupuzo ya sibi nenze ihupulwa ka mwaha ni mwaha.*

*Kono muuna yo, . . . ka sitabelo silisiñwi . . .*

Kufuyolwe Libizo la Hae le li kenile!

*Kakuli ka sitabelo silisiñwi u petahalize kuyakuile . . .*

<sup>212</sup> Haleluya! Isiñi mwa ancafazo yetatama, kono *kuyakuile*. “Lika za kale li felile; mi lika kaufela lifetuhile zenca.” Lu zamaya mwa Liseli, ki Liseli lelinde. Linyunywani li opela ka kushutana.

<sup>213</sup> Ne ni inzi fa, inge ni talimela cakolwa yomunyinyani, seli myaha ye ketalizoho ka mulaho, Na sepa. Rosella, sikampafwa sa meeto a lyangani, hane ni zamaya mwa mikwakwa ya Chicago, inge akozwi, inza tantalika fela, ku zamaya mwa mufuta wa sibi kaufela se ne sili teni, inza kozwi ni lika kaufela za na kona kuba zona. Mi busihu bulibuñwi, Moya o Kenile, o akufa mi una ni mata hahulu kufita mukwale o lozizwe kafa ni kafa,

wali, “Musali, u cakolwa wena.” Haleluya! Haiba nji yani ha ki Mulimu yaswana yanali kwa mulao kwani, yana zibile Sarah hana sehile kwa mulaho wa Hae, Hani zibi Sa li sona.

<sup>214</sup> Kuya mwahala sicaba mu kalibe yomuñwi yomunyinyani. A nanuha mi a shimba, mi a li tisa mwateni. Ali, “U cakolwa yali fela mungomo.” Ka Mwa lemuhela milelo ya mwa ya toho!

<sup>215</sup> Mi bakutazi babatuna ba lithonolo baba inzi fani, babana ni kuhasanya evangeli kwa lifasi kaufela, ni mazoho abona kwa mulaho, mwa likausu za ma T-shirt, ne lu nahana kuli ne lu sa ba zibi, inge hane ba ka ina mwa mukopano o cwalo mi ni Mulimu asike kupatululwa yoo bali yena. Bainzi fani, ba bonahala kushutana, inge kuli ki batu bangana hahulu. Moya o Kenile no zibile bao nebali bona. Mi baina fani, mwa lipilu za bona, ba hupula Neli mihupulo ya kuinahanela fela. Kusina ze ba ziba ka Mulimu sina Mbenezikai ha sa zibi lififi la busihu bwa Egepita. Yeo ki niti. Ba Li ziba hande ka litaku, kono isi ka Moya. “Liñolo la bulaya, kono Moya wa fa Bupilo.” Kona cwalo. Wo kona mulelo. “Libuhali, li mata hahulu kufita mukwale o lozizwe kafa ni kafa, u Lemuha milelo ya mwa pilu.”

<sup>216</sup> Muteeleze. Mubone.

*Mane hakuna nihaiba sibupiwa se si kona kuipata fa pila hae: kono lika kaufela li fa nalela mane likwaluhile fapila meto a hae ku yena. . .yo lu lukela luikalabela ku yena.*

*Ka kubona kuli luna ni muprisita yomutuna. . . (Muteeleze cwale; kwa bakuli.) . .ya keni mwa lihalimu, Jesu ki Mwana Mulimu, ha lu swaleni katata kwa buipuleli bwa luna.*

<sup>217</sup> “Ha lu swaleni katata,” zeo ha li talusi fela kupaka. Haiba ha mu pili bupilo, ha mu li kumaleli; mupila bupilo bwa buipi. Mina. . .Kihande u tahe patalaza ni kubulela fo kusweu kuli u muezalibi ni kulibala ka zona. Usike wa ipiza kuba Mukreste, inge upila mufuta usili sili fela; u sitataliso sesituna hahulu seo lifasi likile la ba ni sona. Haiba u muezalibi, itumelele fela mi, uzwelepili ona cwalo, ba hande ni Mulimu. Haiba u Mukreste, kumalela katata kwa buipuleli bwa hao, ineelela ona cwalo.

<sup>218</sup> Mutalime se cwale. Ni bata kunga se lu si ka kwala kale.

*Kakuli haluna muprisita yomutuna yasa konwi kuswaliwa ka maikuto a matuku a luna; kono mwa lika kaufela na likilwe sina. . .luna, kono na si na sibi.*

Muteeleze.

*Ki fo he cwale lutahe ka bundume kwa lubona lwa sishemo, kuli lukone kuamuhela sishemo, ni kufumana sishemo ni tuso mwa nako ya butata.*

Kufuyolwe Libizo la Mulimu!

219 Muteeleze, ba Baptist, ba Presbyterian, ba Lutheran. Mu ka ni buza puzo ye, “Abrahama na lumezi ku Mulimu, mi a balelwa kuli ki kuluka.” Na ziba. Kwani kona ko muya kamita. Yeo ki niti. “Ki likamañi hape zakona kueza mutu kwanda ku lumela Mulimu?” Yeo luli ki niti. Ki zona fela zakona kueza. Kono cwale Mulimu ha lemaha tumelo yani, U mifa Moya o Kenile.

220 “Cwale ki sikamañi se Ni eza, Muzwale Branham? Kana Na huwa?” Ha lina butokwa. “Kana Ni bulela ka malimi?” Ha lina butokwa. Wa kona kuhuwa ni kubulela ka malimi, zepeli zeo, mi ni kupila sina—sina muhedeni, ni kuzwelapili kulakaza. U sa kona kuzuba ni kunwa, ni lika zeñwi kaufela. Ni boni batu baba bulela ka malimi, mi ba ya ku yo nga siemba mwa lika za masila, zeñwi za bukuluku ze Ni kile nabona fateni. Ni ba boni ha ba huwa, ni kulila mioko ya kwena, mi ba uzwa kaufela se ba swala. Ni ba boni ha ba zamaya, ni musizana kaufela ya zamaya mwa mukwakwa, wa itemuna. Uh-huh. Seo ki sisupo se si kwanile kuli hauna Ona. Yeo ki niti.

221 Kono, muzwale, ha u zwile kwa lifu kukena mwa Bupilo, lika zeo kaufela liba ze shwile, mi u sibupiwa sesinca ku Kreste Jesu. Ha u bona sika se si fosahala, u ka si lapelela kuli, “Mulimu abe ni makeke.” Mi ha u bona matata, mwa sibaka sa kuikasanela fela ni kutongooka, ni kulika ku libisa bumaswe bo butuna, uka lika kuya ku mutu yoo ni ku yo fayula hande litaba, ni ku likuzisa hande kapili. Wo kona Moya wa Mulimu ku wena.

222 Haiba u ba mafosisa? Uka ba ni kufosa. Haiba u fosa, uka sikulula ona fo kapili. “U si ke wa likelisa lizazi mwa buhali bwa hao.” Cwalo kona mo ka zibela kuli uzwile kwa lifu ukeni mwa Bupilo, una ni lilato, kozo, tabo, pilutelele, bunde, buishuwi, tibeledo. Luna ni Muprisita Yomutuna yainzi mwa Lihalimu, ya itukiselize ku lu kupela. Ki sikamañi seo? Ki fani Jesu hana kutezi kwa lumonyi lwa Logos, sona Siita sa Mulilo sene si zamaisize bana ba Isilaele, ku yo ina fapila Kubatani kwa libuba, zetuna zani, nambwamutalati wa Maseli a na zwile, Mioya ye sebene yepetehile, ili Moya o petehile wa lilato.

223 Cwale mutalimele. Sapili ki lilato le li *petehile*, lani ki lilato la Mulimu, le likenile le li sina litiba. Sa bubeli, se sitaha mwani, ki lilato la *phileo*, leo ki lilato le munani ku bo musala mina ni bana ba mina. Se sitatama, la wa kuzwa fani, ki lilato la *litakazo*. Le litatama ki lilato le li sina *bumulimu*. Mane li ya fela mwatasi kufitela lilba la *masila*, linze lizwelapili fela kulyangana, kulyangana.

224 Mi sika kaufela se si bile ni makalelo, sina ni mafelelezo. Mi zeo kaufela li ka feliswa, mane kutokwe kupuzo ya zona, ni hanyinyani, ni kukutela hape ku ze petehile, zazi leliñwi. Mi nzila fela inosi. . . Hamukoni kuyemela fafasi fa, licika la musipili, ni kufita *fa*. Mu lukela kukenelela mwa nzila kaufela,

ka kusepa, munze mu yendamezi ka kufelelela mwa kupiliswa ko amifa Jesu Krete, ka tumelo.

225 Kuna ni Moya wa busepahali o zwelela ku Mulimu. Sani kona sibuba, sibuba sa Mulimu. Bwani ki busepahali. Nto yetatama ki muuna yaka eza “kezo yende” ku muyaha tuko wa hae. Nto yetatama ki mucaha, “muna ni ku mu tokomela.” Nto yetatama kikuli mucaha, “ki lisholi.” Nto yetatama kikuli mucaha, “ki sibulayi,” mulibelele fela. Mubone mo li lyanganehela, litaha ka kushetumuka cwalo? Kono lika zeo kaufela libulela lika za niti.

226 Zeo kona ze Ni bulelanga. Nako kaufela ha mu bona mutu ya . . . Hamubona ba banyalani babanca inge ba zamaya mwa mukwakwa, inge bali mazwabande, mwendi bana ni lilimo za kupepwa ze mashumi aketalizoho ka amalalu a kupepwa. Zeo litalusa fela kuli mwa Lihalimu kuna ni linyalo lelinyinyani le li ba yemela, mwa Lihalimu. “Haiba tabernakele ya lifasi ye isinyeha, luna ni yeñwi Kwani.”

227 Ha mu bona mutu ya sa sepahali mwa linyalo, kuuzwa, kubulela buhata, muhupule fela, siemba sa hae sa libelela mwa lihele, ku yena, sibaka sa hae ko a ka yo nyandisw fapila Kubateni kwa Mulimu ni Mangeloi a kenile, ni mulilo ni sulufula. Uka yo ndandisiwa kwani. Isiñi kamita, hakoni kunyandiswa kamita, kamita ha italusi kuli kaufela, ka nako kaufela. Kuyakuile kona kamita, Kutakuile ki . . . hakuna makalelo kamba mafelelezo. Kono *kamita* ki “nako ye tomilwe.” Bibezi ibulezi kuli, “Kamita ni,” kukopanya, “kamita.” Jonasi na bulezi kuli nali mwa mba ya tapi “kamita.” Ki nako ye tomilwe.

228 Kono, mutalime, kuna ni fela Bupilo Bobusafeli bulibuñwi, mi yoo ki yena Mulimu. Mi haiba mu ka katazwa kuyakuile, mi ha mu shwi, muna ni Bupilo Bobusafeli. Hamukoni ku katazwa kuyakuile. . . Mwakona ku katazwa ka myaha yekuma fa handeleti milioni, fapila Kubateni kwa Mulimu ni Mangeloi a kenile, ni mulilo wa sulufula. Ha ni zibi kuli lika ina nako yetelele cwani. Kono lina ni kutaha kwa mafelelezo kakuli nelina ni makalelo. “Mi Mulimu fela anosi ki yena yana ni Bupilo Bobusafeli. “Ya utwa Manzwi a Ka, mi a lumela ku Ya Ni lumile,” haana bupilo bwa *kamita*, “una ni Bupilo Bobusafeli.” Bupilo bwani bone bu kalile, hakuna sika mwahali hali *mo*. Kono ki ku zwelela kwahali Kafoo, Bupilo Bobusafeli, *Zoe*, Bupilo bwa Mulimu tota butaha ku to pila ku mutu, mi Yena ki wa Kuyakuile ni Mulimu, mi hakoni kushwa. Seo kona se li bulezi Linzwi.

229 Munahane fela ka zona. Kana kuna ni Bupilo Bobusafeli bobubeli nji? Hamukoni kualaba cwalo, nji mwakona? Kuna ni Bupilo Bobusafeli bulibuñwi, mi bwani kona Bupilo bwa Mulimu. Mufuta omuñwi wa bupilo wo, hakuna taba kamba ki sikamañi, buna ni mafelelezo. Mi sika kaufela se si na ni makalelo sina ni mafelelezo. Kono sika kaufela se si sina makalelo hasina mafelelezo. Mi Mulimu na bulezi kuli U ka lufa

Bupilo Bobusafeli, kusina makalelo, ne lu ezizwe fela siemba sa Hae. Mi mane Bupilo bo bu ku luna, ne bu si ka tiswa fa ka sibepeho sa mutu. Sibupeho si lufa moya, kono moya wani no shwile, mi luna ni Moya wa Mulimu. Kanya ku Mulimu!

<sup>230</sup> Kana Mulimu neli mutu nji? Kaniti. “Ha Lu eze mutu ka Sibupeho sa Luna.” Mulimu na li sikamañi? Mubili wa bungeloi, neli mubili. Mi kwani mutu abupiwa cwalo mi abeiwa kubusa simu. Kono nekusina mutu wa kulima mubu, mwa maikuto. Mi ki Ha bupa mutu wa liluli la lifasi, mwa bupilo bwa lifolofolo, mi mutu yani alima mubu. Mi mutu a wa, ka kueza sibi. Kiniti. Mi Mulimu, mwa Bungeloi, ataha fafasi mi aezwa nama ni ku to yaha mwahala luna, ku to liulula mutu.

<sup>231</sup> Kacwalo ha ki so kona kueza. U muezalibi, ka kukala. U bupilwe mwa bumaswe. U pepezwi mwa sibi, utile mwa lifasi unzo bulela buhata. No pepezwi mwa lifasi le ka takazo ya nama ya bondataho ni bomaho. Mi utamehile fela kuya kwa lihele mo kona kubela, Hanina taba kamba u eza sikamañi. Hakulata ha u si ka bulela fateni buhata, kuuzwa; u buluka mulao kaufela, ni lika zeñwi kaufela; mi uka ya kwa lihele, sina nyunywani kwa siyaletso sa yona. Kono nzila fela yemukona kupila hape, ki ku amuhela Moya o Kenile, Bupilo Bobusafeli bwa Mulimu.

<sup>232</sup> Ki sikamañi se si mi ezize kuba seo muli sona? Kwa simuluhlo, fani Moya o Kenile ha no bubamezi fahalimwa lifasi, nekusina sika kwanda kupancaka kwa mulilo mwatasa mubu. Palisa nyana ya Paseka ya mela. Mulimu ali, “I bonahala bunde. Zwelapili fela kububama.” Lipalisa za mela. Bucwani bwa mela. Likota za mela. Linyunywani za fufa kuzwa mwa liluli. Lifolofolo za taha. Mutu a taha.

<sup>233</sup> Cwale, ne ku ezizwe cwani? Ka kububamela kwa Moya o Kenile, kutisa libyana ze hamoho, za potashi, kalsiamu; kueza lipalisa, kueza lifolofolo, kueza mina.

<sup>234</sup> Mi cwale, muna ni keto ye lukuluhile. Mulimu wa mi bubamela, mi uli, “Ha muutwe Linzwi la Ka? Musike mwa itatafaza lipilu, sina mwa mazazi a muliko.” Ki yo A taha inge ashetumuka, akutaza Linzwi.

“Evangeli yene kotalizwe ku bona ne i si ka. . . ne ba sina tumelo ku Yona, kacwalo Ne isikaba tusa sesiñwi.” Neba I utwile, kono ne ba si ka I lumela.

<sup>235</sup> Mulimu ataha fafasi. A ba bonisa Siita sa Mulilo. A bonisa ka mupolofita wa Hae, lisupo ni ze komokisa, Nali ni yena. Ne ba si ka Li lumela. Oh, neba tabela kubona limakazo. Neba tabela kubona mupolofita. Kono haili ka za ku Li lumela, neba si ka li lumela. Bupilo bwa bona bwa paka kuli ne ba si ka lumela.

<sup>236</sup> “Cwale,” Na bulezi kuli, “musike mwa wela mwa mutala o swana wa ku sa lumela wani.” Kakuli mwa lizazi la maungulo le, ku Bamacaba, Mulimu u bonahalile hape; sisupo se si swana, makazo yeswana, Siita sa Mulilo se si swana, se si pakilwe,

kubonahala. Lusike lwa tatafaza lipilu za luna ni kuwela mwa muliko wa kale wani, wa ku sa lumela, kakulil lu ka bolela mwa mubu mi ao ikaba mafelelezo ateni.

<sup>237</sup> Mi cwale Moya o Kenile ha u ngongota fa pilu ya hao, [Muzwale Branham ungongota fa katala—Mu.] “Kasamulaho wa nako yetelele hahulu, ha mu utwa Linzwi a Ka, musike mwa itatafaza lipilu.” Halili, “Mwana Ke, ye ki Niti.” Musike mwa talimela ku mulumiwa. Muteezeze kwa Liñusa. Mu Li lumele. “Musike mwa itatafaza lipilu, sina mwa mazazi a muliko.”

<sup>238</sup> Mi ha utwa Linzwi la Hao, “Musike mwa itatafaza lipilu.” Kipeto mu kali, “Eehe, Mulena, Na lumela.” Konakuli mukena mwa Bupilo, Moya o Kenile utaha ku mina. Moya wa mina wa kale wa shwa kwateni, o mi ezisa kulakaza ni kutoya, ni piluseta ni sitoyo, ni—ni sitoyo ni lika zani kaufela, za shwa kwateni. Mi mutala lilato, tabo, kozo, mwa pumula. Hakuna kamba moya ufuka cwani, kaufela liiketile.

Mayendameno a ka aswala kakutiya mwahala lisila.

Kufita mwahala liñungwa lelituna tuna,  
Mayendameno a ka aswala kakutiya mwahala lisila.

Kakuli ku Kreste, yena Licwe lelitile, Ni yemi;  
Libaka zeñwi kaufela ki lishabati.

<sup>239</sup> Ki fo he cwale. Eddie Perronet, sina ha na ñozi pina ye zibahala yani. “Libaka zeñwi kaufela,” likopano kaufela, lituto za litumelo kaufela, lituto lifi kaufela, za fela. Kreste!

Mu li, “Kihande, Na ziba Bibebe.” Hamuna Bupilo ka kuziba Bibebe.

“Na ziba katekisema kaka.” Hamuna Bupilo ka kuziba katekisema ka mina.

“Kihande, Ni Mukreste.” Hamuna Bupilo ka kubulela fela Bukreste.

<sup>240</sup> Muna ni Bupilo ka ku Mu ziba. Ku Mu ziba yena, muba ni Bupilo. “Konakuli mukeni mwa Pumulo ya Hae. Mu pumuzi kwa misebezi ya mina, sina Mulimu mwa pumulezi ku ya Hae.” U ezizwe mwana Mulimu, muca sanda wa Mulimu. Mi haiba wani—haiba wani Moya o Kenile wa mi hoha, ni mina mwa alaba ka kuhoha muli, “Eehe, Mulena,” kamba kuus.

<sup>241</sup> Kuu, “Mutahe ku Na, kaufela mina baba katezi ni baba imezwi. Ni ka mifa Pumulo.”

<sup>242</sup> Mi muli, “Ah, Ni mwanana. Nina ni . . . Oh, mulisana waka haezi . . . Kaufela ze Ni na ni kuez . . .” Mwabona? Hamuna ku Li fumana.

<sup>243</sup> Kono ha mu bulela kuli, “Eehe, Mulena ka. Na utwa Linzwi la Hao. Ha ni tatafazi pilu yaka. Ha ni bilaeli, Mulena, Ki Linzwi

la Hao mi Na Ku lumela. Ni inge Jesu. ‘Ka mo Ni inezi, nisina ni haiba tuso, kono bakeñisa kuli Mali a Hao na suluhezi na. Mi ka zeo Na sepisa, “Ni ka lumela.” O Ngunyana ya Mulimu, Na taha.” Amubeye mazoho a mina fa toho ya Hae ye shwa, muli, “Mulena, Ni muezalibi, mi U ni bizize.”

244 “Kaufela ba Ni file Ndate ba ka taha ku Na, mi Ni ka ba zusa ka lizazi la mafelelezo.”

245 “Eehe, Mulena, Na taha. Ha ni tatafazi pilu yaka, sina mo ne ba ezelize mwa nako ya muliko, Na lumela kaniti.”

246 Kona kuli ki sikamañi Sa eza? U mifa Bupilo bwa Hae, *Zoe*, Bupilo Bobusafeli. Mi haiba Mulimu na lu zusize kuzwa kwa liluli la lifasi, ko lu zwelela. . . Kana lu zwile kwa liluli nji? [Kopano ili, “Amen.”—Mu.] Lika kaufela ze mu bona, li zwile kwa liluli. Mi haiba Mulimu wakona ku ni eza yo Nili yena kacenu, kusina kuba ni keto ifi kaufela; bakeñisa fela kuli tato ya Hae neli ya ku ni bupa, ni ku ni fa kolo ya kutalimela Kalvari ni kuba ni keto yaka; mi Na eza keto yaka ni ku lumela ku Yena; kana Uka ni zusa cwani mane ni kufita! Haiba U ni bupile kuba yo Nili yena, kusina keto, kasumulaho Na nga keto mi na Mu kenya kuna; ha Na beile mazoho a Hae ka yena Kasibili, ni ku konka ka yena Kasibili, kuli Na ka ni zusa mwa lizazi la mafelelezo. Ni ka na ni sepa cwalo.

247 Nina ni Pumulo, isiñi kakuli Ni lapelanga la Sunda, isiñi kakuli Ni lapelanga la sabata. Zeo halina sa kueza ni sona. Na lapela bakeñisa kuli Ni keni mwa Kozo ya Hae ni Pumulo: kozo, pumulo, lilato, tabo. Mañungwa ha tahe; mayendameno aka a sweli hande.

248 Kana muna ni kutwisiso yeo, busihu boo, mulikana ka wena yainzi mwa tabernakele ye cisa ye? Ha u si ka taha ku to ni teezeza. Batili. U ti lo utwa Linzwi. Teezeza, mulikana ka.

249 Cwale haiba hamuna Pumulo yeo, mwakona ku I fumana ona fa cwale. Ha mu lukeli kutaha kwa katala kwanu. Muine fela fo muinzi foo. Mube baba sepahala, mubulele kuli, “Kreste, bulela fela kwa pilu yaka. Na ziba kwa cisa. Ni—Ni tezi fela mukata, kufufulelwa. Ni botehile. Kono, Mulena, luli, Na kona kufufulelwa ni butuku, bumaswe kufita ni fa, lisika pazula kale.”

Mi dokota wa kona kunyunga toho ya hae, ni kubulela kuli, “Ki butuku bwa pilu. U timezi.” Cwale kukaba cwani?

250 Kukaba cwani? Fo Buka yetuna haita apulwa, kikaba cwani? Mu utwile fateni pila yeo yeli, *Kukaba Cwani*? “Foo bona baba hanile Liñusa, habaka buziwa kuli ba ikalabele, kukaba cwani?” Kukaba cwani? Mu nahane fateni cwale, ka kutibisa muhupule.

251 Halunze lu inamisa litoho za luna, munahane fateni.

Bona baba hanile Liñusa le busihu bo,  
Habaka buziwa kuli ba ikalabele, kukaba  
cwani?

Kukaba cwani? Kukaba cwani?  
Fo Buka yetuna haita apulwa, kukaba cwani?  
Bona baba hanile Liñusa le busihu bo,  
Hamuka buziwa kuli mu ikalabele, kukaba  
cwani?

<sup>252</sup> Ndate yakwa Lihalimu, ba kaufela ba mwa mazoho a Hao cwale. Ki ye fa Sabata ya niti ye beilwe fapila sicaba. Ki le fa Lingeloi la Mulimu, mwa lilimo ze nyinyani zeile, li halifile mwahala lifasi. Banyefuli ni lika zeñwi kaufela liezize cwalo, ba likile ku Li nyaza. Kono, nako kaufela, U Iponahalize kuba Mulimu.

<sup>253</sup> Lifasi la sayansi, keleke ya lifasi; kana ki libofu nji, Mulena? Mwendu kuna ni alimuñwi mwahali mo busihu bo ya tabela ku amuhela kubona kwa hae, kuli azamaye, mi isiñi kulika Mulimu, sina mone kuinezi mwa mazazi a muliko; isiñi kulika ku Mu beya mwa muliko, ka kuba yomunde la Sunda, kamba kubuluka lizazi leliñwi, kamba kwa tuto yeñwi ya tumelo, kamba kuba wa siemba sa keleke yeñwi. Kono ya lata kutaha mi a kene mwa mupato, ka pilu, ni kuamuhela Moya o Kenile. Mi ya Mu bata. Ka tumelo cwale, ya lika ku Mu amuhela mwa pilu ya hae. Ya lika kufumana sishemo ni Wena, Mulena.

<sup>254</sup> Oh, hakulata ba bulezi ka malimi. Mwendu ba koni kuhuwa. Ba sa na ni kona kacimacima kakale kani. Ba sa na ni piluseta ya kale yani. Ba sa ñuñuna ni kubulela bulela, ni kueza lika ze ba sa lukeli kueza. Ha ba tabeli zeo, Mulena. Ki sikamañi cwale, haiba Buka yetuna yani se ikwaluhile, ye bulezi kuli, “Ba bacwalo habana kukena mwa Mubuso”? “Mu be baba petehile, sina Ndata mina mwa Lihalimu hali ya petehile.” Ze si yo cwalo kaufela halina kukena mwateni. Kana ba sepa ka kutala, busihu boo, ku ya kokotezwi? Haiba ha ku cwalo, Mulena, ha ba eze kalabo ya Kuyakuile yani kuli “eeni” ona fa cwale.

<sup>255</sup> Muli, “Mulena, Ni. . . Hakuna maikuto a mubili, kono Ni ikutwa fela nto Yeñwi mwahala pilu yaka, nto Yeñwi yeo ini bulelela kuli, ‘Ha ni koni kueza ka nako ye, ka sishemo sa Hao.’ Mi Na cwale na Ku amuhela kuba Mupulusi waka. Na—Na hana lika kaufela za lifasi, mi Ni bata kukena mwa Pumulo ya Hao. Mi Ni lumela kuli Ni eza cwalo ona fa. Na lumela kuli Moya o Kenile u ni tisa ona mwa sibaka sani.”

<sup>256</sup> Mi toho kaufela hainze i inamisizwe. Kana kuna ni yaikutwa cwalo ona fa cwale? Munanule lizoho la mina, “Moya o Kenile cwale u ni tisa mwa sibaka mo Ni si ke na bulela bulela sesiñwi cwale.” Mulimu ami fuyole. “Hanina kueza lika zeo. Kacimacima kaka kafelile. Na kona kupila mwa kozo ni mwa tabo ni mwa pilutelele, kuzwa onafa cwale. Ni lumela kuli Mulimu usweli



kubulela ku na cwale, kuli Na kona kueza cwalo kuzwa yona hola ye kuya kwapili, ka sishemo sa Hae.” Kikuli mu ka nanula mazoho amina? Mulimu ami fuyole. Mulimu aku fuyole kalibe yomunyinyani. Yomuñwi hape? “Na lumela cwale.”

<sup>257</sup> Musike mwa Mu lika, mone ba ezelize mwa lizazi la muliko. Musike mwa nahana kuli kakuli lu yanga kwa keleke la Sunda, kamba kubuluka sabata. Paulusi uize, “Mina ba ba buluka mazazi kamba mionda, kamba ze cwalo, Mu maibile. Mulao neli fela muluti wa lika zende ze ne sa taha, mi isi siswaniso luli sa sika, ha u koni ku petahalisa ya lapela ka ona.” Kono ki Kreste ya mi petahalisa, kupetahala mwa meeto a Mulimu. U takula sibi mina, ku zwise kunyaziwa ku mina, u mifa lilato la Hae ni tabo.

<sup>258</sup> Kikuli muka kena mwa Pumulo cwale? Yomuñwi a nanule lizoho, mi abulele kuli, “Ni ezize cwalo.” Mulimu aku fuyole, kalibe yomunyinyani, kwanu kwa nzohoto yaka. Mulimu afuyole muuna yainezi kwa silyo saka. Kukena mwa Pumulo ya Hae, munahane fateni cwale.

<sup>259</sup> Mulapele kuli, “Ka mo Ni inezi, Mulena, kusina kupo; Hani yo munde. Hakuna ze Ni kona ku Kufa, kono kwanda bupilo bwaka bwa kale, bo bu sinyehile, bwa sibi. Kikuli Uka ni amuhela? Uni kenise? Uni tamulule? Kakuli, Ni sepisize kuli Ni ka lumela. O Ngunyana ya Mulimu, Na taha. Na cwale na taha, ni lumela cwale kuli Ni zwile mwa lifu nikeni mwa Bupilo. Kakuli, ona mwa sipula saka mo, Ni Ku amuhezi kuba Mupulusi wa ka mi Ni ikutwa kozo mwa pilu yaka.”

<sup>260</sup> Babaketalizoho ba nanuzi mazoho a bona. Kana kuna ni yomuñwi, ya ikutwa ka nzila yeo, munanule mazoho? Haiba ha u Mukreste, aku Mu amuhele cwale.

<sup>261</sup> Haiba u ipulela kuli u Mukreste mi ha u si kaba mwa mufuta o cwalo, u sa li muezalibi, hakuna taba kamba ki bupilo mañi bo—bo ezize, kamba ulika cwani kuikeza ili wena. So eza ha si amuhelwi. Ki Sa ezize yena. Kuluka kwa hao fela hakuna ku amuhelwa. Haiba u tuhela kuzuba bakeñisa fela kuli ubulezi kuli, “Kihande, Ni tuhele fela kuzuba kakuli Ni bulela Bukreste.” Mulimu haana ku amuhela zeo. Haiba utuhela ku lakaza basali, bakeñisa fela kuli uikeza ili wena kutuhela kueza cwalo, Mulimu ha amuheli zeo. Zeo ki lika zo eza wena. Yeo ki misebezi. Ki sishemo se si ku pilisa. Kana Mulimu u keni ku wena ni ku zusa zeo kamukana ku wena? Yeo kona taba.

<sup>262</sup> Mu li, “Ni ikopanyize kwa keleke, mi kacwalo Ni tuhezi lika zee.” Mulimu na si ka amihela zeo, hakuna semukona kutisa. Yena u amuhela feela sa na file Kreste. U mifa Bupilo Bobusafeli, mi u bu busa ku mina. Kikuli mu ka Bu amuhela?

. . . fa liwate la liñungwa, le li sabisa maswe,  
Taha, beya moyo wa hao mwa sibaka sa  
Pumulo,  
Mi uli, “Mulatiwa waka ki waka.”

Ni beile moyo wa ka . . .

Ku lukile, mwakona ku inula litho za mina. Liñusa li felile cwale. Ha lu lumbekeni fela cwale.

Ha ni sa sila liwate leli sabisa hape;  
Liñungwa lakona kutaha, fa buliba bobu  
tungile maswe,  
Ku Jesu Ni iketile kuyakuile.

<sup>263</sup> Mañi ni mañi cwale, mwa milumbeko.

Ni beile moyo waka mwa sibaka sa Pumulo,  
(Sabata)  
Ha ni sa sila liwate leli sabisa hape;  
Liñungwa lakona kutaha, fa buliba bobu  
tungile maswe,  
Ku Jesu Ni iketile kuyakuile.  
Libenye ku na, . . .

Ha mu tamuluhe fela. Muitime kwa meeto. Mwa utwa Moya o munati wani kana? Yeo kona milapelo. Liñusa li felile. Ye ki milumbeko.

Liseli le li zwa kwa ndu ya maseli libenye ku  
na,  
O libenye ku na, O Mulena, libenye ku na,  
O Liseli le li zwa kwa ndu ya maseli libenye ku  
na.

<sup>264</sup> Ki ba bakai baba ikutwa fela hande? Munanule mazoho a mina. Ona moya omunati, o ikokobelize, kona Cwalo.

Ku ba inge Jesu, fela kuba inge Jesu,  
Mwa lifasi Ni be nge Yena;  
Mwa musipili wa lifasi kuya kwa Kanya,  
Ni kupa fela kuba inge . . .

Mulumbeke feela.



*MAHEBERU, KAUHANYO YABUNE* LOZ57-0901E  
(Hebrews, Chapter Four)

MUKOLOKO WAZA BUKA YA MAHEBERU

Liñusa le ka Muzwale William Marrion Branham ne li kutalizwe lwa pili mwa Sikuwa la Sunda manzibwana, Mwimunene 1, 1957, ili fa Branham Tabernacle, mwa Jeffersonville, Indiana, U.S.A., liingilwe kuzwa fa tepu ya magesi ya manzwi kusina ku zusa sika mwateni ku ya Sikuwa. Toloko ye ya mwa Silozi i hatizizwe ni kuhasanyiwa ki ba Voice Of God Recordings.

LOZI

©2019 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)